



LVIII

C

35

~~46 76 97~~

BIBLIOTECA NAZ.
Vittorio Emanuele III

LVIII

C

35

NAPOLI

DOMINICUS AURELIUS
OPUSCULA



DOMINICI AULISJ
OPUSCULA.

THE
A. J. 23 1740


DOMINICI AULISJ
O P U S C U L A
D E

Gymnasii Constructione,
Mausolei Architectura,
Harmonia Timaica, &
Numeris Medicis.

His accessit

E P I S T O L A

De Colo Mayerano.



NEAPOLIS
Ex Typographia Jacobi Raillard MDCXCIV.
Superiorum permissu.

THE UNIVERSITY OF CHICAGO
LIBRARY

1911

THE UNIVERSITY OF CHICAGO

LIBRARY

THE UNIVERSITY OF CHICAGO

LIBRARY

1911

THE UNIVERSITY OF CHICAGO

LIBRARY

THE UNIVERSITY OF CHICAGO

LIBRARY



THE UNIVERSITY OF CHICAGO

LIBRARY

THE UNIVERSITY OF CHICAGO

LIBRARY



ILLVSTRISSIMO, ET AMPLISSIMO VIRO

D. D. DIDACO
VINCENTIO
A V I D A N I A,

Regii Sacelli Præsuli, & Gymnasii Neapoli-
tani Præfecto,

Abbati S. Nicolai in Pergoleto, & in Bucifano, Catho-
licæ Majestati a Consiliis, & Regio Chronographo
Regnorum Castellæ, Legionis, & Aragoniæ,

DOMINICVS AVLISIVS S. P.



Ulli Opuscula hæc rectius nuncupem, Vir Cl., quàm tibi, qui Gymnasio nostro præes, & cui me non solum studiorum meorum, sed & otii rationem reddere par est. Exciderunt mihi pene aliud agenti inter statas Gymnasii cessationes; nam
si quan-

si quando vacat a tot , tantisque Juris exerci-
tationibus , quibus distringor , paulum velut
itinere decedens , his diverticulis occupatio-
nes, curasque meas distinguo, & ex interval-
lo adolescentiæ meæ studia degusto. Quod
libenti semper animo feci: faciam posthac
alacrius , tuum videlicet exemplum sequu-
tus, qui in illustri Sertoriano Gymnasio, quod
patria tua Osca, Urbs Victrix, habet, non ita
te totum Juri aut Civili , aut Pontificio , quo-
rum utrumque tuis prælectionibus exorna-
bas dedisti, ut optimas quasq; alias artes iden-
tidem non attingeres: imò omnibus te per vi-
ces partiebaris, recte intelligens sine illis Ju-
risprudentiam pro dignitate tractari, & illu-
strari non posse: & qua es industria , & inge-
nii præstantia & dexteritate, eam unam disci-
plinam toto vitæ cursu excoluisse videberis,
cui te pro tempore addixisses, ita scilicet in
ea præcellebas; cum interim omnes peræ-
que , idest optime , teneres: & in disparibus
studiis pari semper cum laude versatus sis. Si
tantæ ingenii dotes, quibus emines solus, mi-
hi tributæ non sunt, & tantam industriæ feli-
citatem, quanta tua est, assequi non licet; li-
ceat tamen , quod unum reliquum est , tua

per

per vestigia niti, ut si quò velim pervenire,
non detur, perveniam tamen quò possum.
Multa quidem commentatus sum in vario li-
terarum genere: sed dum conceptæ de me
expectationi satisfacere posse diffido, dum
varia rei domesticæ intentione distrahor, illa
omnia jacent, & ultimam manum expectant:
quam, nisi orium nactus sim, vereor ut un-
quam habitura sint. Ne putes tamen, hæc
tanquam specimina ad te mitti, ut emenda-
tiora, aut meliora reliquis; & ipsa enim
sine nitore sunt. Sed animum fecit, quòd
διδασκαλικά hæc, ut plantæ quædam natura agre-
stes & feræ, cultum refugiant pene omnem,
contenta doceri. Fecit & illud, quòd ex ip-
sis quædam probata olim fuere, paulò ante,
quàm e vivis discederet, acris judicii viro, D.
Felici Espinosio, tibi pernecessario, mihi ami-
cissimo, cujus memoria (quod & singularis
ejus humanitas, & eximia doctrina postulat)
semper honorata, semper etiam acerba mihi
animo inhærebit. Sunt hæc Opuscula nu-
mero quatuor. In primo de veteri Gymna-
sio disputatur: cujus descriptione ignorata,
multa, quæ vel ad Artem Gymnasticam, vel
ad Gymnasticam Medicinam pertinent, in-
tel-

telligi, & explicari recte non possunt. Quod
alio Opere re ipsa probabimus, in præsens
ejus Architecturam ex Vitruvio proposuisse
contenti, ut appareat quæ ejus pars Athletis,
quæ literarum Professoribus tributa sit: quæ
discipulis, ut suas disputatiunculas, quas *les-*
chas vocabant, celebrarent: ubi locatum,
Balneum fuerit, ubi frigida Lavatio: ubi de-
mum Platanones siti, inter quos & athletæ, &
studiosi animum relaxabant. Hæc enim om-
nia in uno Gymnasio erant, partim animi,
alia corporis exercitationibus, & saluti de-
stinata. Opus, sive ædificii magnitudinem,
sive oleum athletis, sive alimenta tot ho-
minibus, qui ei regendo, & administran-
do erant, præstanda attendas, infinitæ im-
pensæ, quam non omnes Civitates ferre
poterant, sed nobilissimæ solum. Unde
Urbs nostra, quæ ab heroicis temporibus
Gymnasium habuit, nobilissima fuerit neces-
se est. Sed a quibus in ea positum, dubitatur.
Memini audivisse ex te, ad ipsos Chalciden-
ses, quorum Colonia Neapolis est, posse re-
ferri. Quæ conjectura non ex vano hausta
est; hi enim, ut observabas, in terra patria
Gymnasium Herculi sacrum habuerunt, te-
ste

At veteri marmore apud Thomam Reine-
sium , quod iidem T. Quintio Flaminio po-
suérunt.

Ο ΔΗΜΟΣ ΤΙΤΩ ΚΑΙ ΗΡΑΚΛΕΙ ΤΟ ΓΥΜΝΑΣΙΟΝ
Ο ΔΗΜΟΣ ΤΙΤΩ ΚΑΙ ΑΠΟΛΛΩΝΙ ΤΟ ΔΕΛΦΙΝΙΟΝ

At iste ipse Hercules Gymnasio Neapolita-
no præsidebat, ut ex Dione Chrysostomo pa-
lâm est: quocirca deinde cùm Roma, Urbem
nostram imitata, Gymnasium erexit, Herculi
etiam dedicavit: ut ostendunt Romanæ A-
thletarum Inscriptiones, ἡ τεράρ' ἑσυχὴ συνόδ' ἰῶν περὶ
τὸν Ἡρακλῆα. Cur ergo a Chalcidensibus positum
non credemus? qui hîc , patriis studiis dele-
ctati, Gymnasio carere noluerint. Nec enim
audiverim Petrum Lasenam , virum erudi-
tum , dum ad Athenienses refert: qui Gym-
nasium non Herculi , sed Apollini Lycio sa-
crum habuerunt. Lucianus in Anacharsî, si-
ve de Gymnasiis. ὁ μὲν χῶρε' αὐτοῖς, ὃ ἀνάχαρις, γυμ-
νάσιον ὑφ' ὧν ὀνομάζεται, ἃ ἴσιν ἱερὸν ἀπόλλωνος τῷ λυκίῳ.
Ut præteream, ab Atheniensibus nostræ Ur-
bi imperatum nunquam. Nec quod de Dio-
timo Atheniensis classis præfecto narratur,
quidquam ad rem facit. Invenit hîc ipse
Gymnasium, non condidit: & consuetis so-

lemnitatibus, consensu Civitatis, *λεμπαθηφορία* ἡ
addidit. Nec aliud ex verbis Timæi Siculi
elici potest. Cognatio materiæ fecit, ut dis-
sertatiunculam de Mausoleo adnecterem,
quæ singula quidem ejus Miraculi orna-
menta, quorum memoria omnino abolevit,
non exhibet: universi tamen operis disposi-
tionem, formam, mensuras ita curiose perse-
quitur, ut de ædificio, quod extet, omnium-
que oculis obversetur, paria tantum tradi
posse videantur. Hæc non eò dico, ut tibi
munus meum exornem: sed ut Plinianæ di-
ligentiæ docti gratias agant, qui hæc nescire
nos passus non est; etsi ita ipse præcise, & ob-
scure indicet, ut prætereunti multò similior
sit, quàm indicanti. At hæ tenebræ lux me-
ra videri possunt præ illis, quas nobis offun-
dit Timæus Platonis, cùm Mundi Harmo-
niam proponit. Experiri tamen in tertio
Opusculo volumus, an rem alto demersam
expiscari possemus. Habes in eo, unde Nu-
merorum Harmonicorum principium pe-
tendum sit; invenies, qua via Musica omnis
in suas partes distincta, ita oculis subjici pos-
sit, ut pene audiri videatur. Quis hætenus,
Quaternio Pythagoræ quid sibi vellet, scie-
bat?

bat? Quis Platonis Chiasmum nisi nomine tantum noverat? Hæc nos eruimus in lucem; ut propterea tota ea disputatio cognitu jucunda non minus sit, quam utilis. Quartum Opusculum affine est tertio, ut secundum primo; nam & de Pythagoreis tractat, & de Numeris, non quidem Harmonicis, sed Medicis: quos scilicet Hippocrates, Pythagoram sequutus, in morbis, & medicinis, in vita denique humana plurimum pollere opinatus est. Vidimus ex quo fonte dies Critici originem duxerint: egimus etiam de Partu humano in mense septimo, & octavo, cujus Pythagorica ratio in antiquo Homeri Scholiaste latebat, a paucis visa, a nullo intellecta. Hoc est munusculum meum, quod tibi offero: exiguum quidem, sed cujus me non pudet; nam si nihil aliud, certe novitatis gratiam retinet; præterea habenda mihi tot occupationum tuarum ratio fuit, quæ in novis hisce honoribus, quibus te Rex merito auctum voluit, nisi magnæ esse non possunt; etsi interim nescius non sim, te per obstantia omnia literas quærere, nullumque tibi occurrere subcissivum tempus, quin id totum studiis impendas. Neque hæc in te nova sunt: so-

lens more tuo facis. Quot, quantisque curis
distinebaris, cum aut in Catalauniæ Princi-
patu, aut in Regno Siciliae Inquisitorem Apo-
stolicum agebas? Quod munus adnexam
Religionis zelo eximiam doctrinam, nec mi-
norem prudentiam exposcit. Obisti tu illud
summa vigilantia, summaque charitate; un-
de tibi gloriam nunquam intermorituram,
cum maximo rei Christianæ fructu conjun-
ctam, comparasti. Inter eas sollicitudines nun-
quam a te literarum studia omissa, quis non
mirabitur? Non omissa inquam? quid si sciant,
te semper novi aliquid in literis esse moli-
tum? Nihil me fingere, nihil ad gratiam
mentiri, doctissimi tui Commentarii, quos ut
propediem edas & opto, & spero, testes
erunt. Verum hæc ego apud te, virum mo-
destissimum, parce, verecundeque comine-
moro. Tu ergo, vir præstantissime, hilari-
ter, quæ tua humanitas est, suscipe libellum
istum, monumentum mei erga te obsequii: &
Gymnasium nostrum, quod semper doctissi-
mis viris floruit, nunc per te gratius, lætiuf-
que reflorescat. Vale.



ALOISIUS DE LEON

LECTORI S.

Viri ingenio, & doctrina praestantes,
& Auctoris nostri studiosi, cum
Opusculum de Gymnasi constru-
ctione, sibi pro amicitia missum, legissent, libe-
re simpliciterque, ut viros optimos decet, hesi-
tationes suas, alii alias, proposuerunt. Ama-
vit Auctor ipsorum curam, & sollicitudinem,
egitque eis, ita ut meriti erant, gratias, quan-
tas potuit maximas: iterumque ipse ejus no-
mine ago: petoque vicissim, & oro, ut ne mo-
leste ferant, si ex earum numero nonnullas,
qua graviores visa sunt, hic ex fide recitare,
parique modestia extricare adnitar. Fecit id
quidem Auctor privatim, sed tribus pene
verbis, ut qui cum viris, quibus ob consue-
tudinem facile ipsius mens sensusque perspe-
cti fierent, rem sibi esse sciebat. Faciam in-
prasens id ipsum ego publice, paulò uberiùs,
planiusque; auguror enim fore, ut eadem dif-
ficul-

ficulitates aliis quoque occurrāt, quibus semel
satisfaciendum est. Causantur de Stadio di-
ci, nihil ferme habere, quod Architectum re-
moretur; non enim id omnino convenire cum
eo videri, quod aliubi affirmatur, habere gra-
dus amphitheatri gradibus non dissimiles.
Evanescet quàm facillime dubium, si quæ in-
vicem separanda sunt, confundere cavea-
mus. Stadium non est, nisi spatium illud, ubi
in publicis solemnitatibus Athleta omni cer-
taminis genere contendebant: non ὁ λόπος, in
ᾧ ἔτρεχον, ut quidam definiunt; nam sadiuvs Pin-
daro Olympionica XIII. est, qui certat δρόμος,
ἢ πεντάθλον, cursu, & quinquertio. Et verum
est, in eo vix quidquam reperiri, quod Ar-
chitectum possit habere sollicitum: certe mi-
nus, quàm in Spina Circi. Aliud est de
mole illa, quæ Stadium in ovi speciem cir-
cumibat, ubi gradus spectatoribus structi.
Hæc majoris artificii res est: nec de ea Vi-
truvius in Gymnasii structura egit; vel
quia non multam ei rei operam, curamve
Græci infumebant: vel ratus satis esse, quæ
jam de Theatro Latino, & Græco disputave-
rat; nullo quippe negotio præcepta de gradi-
bus, scalis, præcinctione, cuneis, porticibus, &
si qua

si quæ alia incurrunt, a circulo transferuntur
in ^{in. et. l. v.} ut ex Amphitheatro Veronensi apud
Serlium intelligere licet. In Inscriptione
Austrunii, qui cum Medicus Ludi Gallici
esset, Porticum, & Exedram Silvano Roma
dedicavit; pro Porticu notatum est capi oportere
Xystum tectam, pro Exedra Ephebeum.
Ajunt, sibi non liquere, de Gymnasio, an de
Ludo gladiatorio hæc sentire debeant; nec id
distincte enunciari. At nostro Auctori su-
per vacuum visum est ea persequi, quæ ex ip-
so marmore patere possunt; præsertim cum de
his non eo loco ageret. Prodam tamen ego
non invitus, quod ipse siluit, multisque verbis
ejus taciturnitati medebor. Gymnasti nomen
generatim usurpare si libeat, abz de est scire,
de Gymnasio sermonem haberi, quando passim
Græcis Ludus gladiatorius γυμνάσιον τῶν μονομά-
χων audit, ut Lanista, γυμναστής & ἐπιστάτης, & ba-
tualia, γυμνασία. nam Lipsium, qui locum ipsum
exercitationis batualiorum nomine censeri
putat, auctores ab eo ipso producti confutant.
Sin pro Gymnasio Athletarum, ut frequentis-
sime occurrit, maxime sine addito positum,
certe. Inscriptionem Austrunii de eo capi nec
posse, nec debere, ratio temporum, quæ sæpe ma-
gnas

*gnas difficultates expedit, demonstrat. Quò
id certius cognoscatur, Inscriptionem integrā
apponam, cujus eam tantummodo partem
Auctor exscripsit, quantum ad rem faciebat.
Ea verò ita habet.*

SILVANO. SANCTO
AVSTRVNIVS. MEDI
CVS. LVD. GALLIC
PORTIC. ET EXEDR
ET: SIGN. AEN
VOTO. SVSCEP
L. M
DEDIC. KAL. MAI
L. MARCIO. ET
SEX. IVLIO. COS

*Istuc par Consulum Reip. moderatum est an-
no Urbis 659, vel paulò seriùs; non enim inter
se Fastorum concinnatores consentiunt. Per
ea tempora Romæ Gymnasium nullum: quod
Nero demum excitavit. Quare non de eo
sermo erit, sed de Ludo gladiatorio, cui ita
Romani indulgebant, ut Græci Gymnasio. Et
multa in his paria. Tangam solum, quæ ex
ipsa Inscriptione colliguntur. Discimus ex
ea, in Ludo Medicos extitisse: ab istis nec
Gymnasium inops fuit: & , ut de Jatralliptis
taceam, ita doceat, quæ de Herodico narrat
Plato lib. III. Reip. & de Ægimio Galenus*

II. ὁ γυμνασιῶν. Erant Gymnasia Diis dicata, & quodque presidis Dei signum habebat, ut Atheniense Apollinis Lycii, teste Luciano in Anacharsi: & Austrunius in Ludo Gallico Silvani aneum signum collocavit, ex privata religione, voto suscepto; quamvis alias Marti, aut Saturno consecratos Ludos non ignorem. Quid mirum? nam & Chalcidenses T. Flaminio Gymnasium dicarunt. Demum in utroque visabantur Xystus tecta, & Ephebeum. Xystus in Inscriptione dicta est Porticus; nam est τοῦ ἐυστός. Qui dicit Xystum, mutilat primam vocem: qui Porticum, ultimam. At Ephebeum appellatum est Exedra, ut etiam à Vitruvio in illis, Exedra amplissima cum sedibus. Hac satis notatu digna sunt, vel ex eo, quòd Lipsius in Saturnalibus post variam inquisitionem, in Ludo gladiatorio nil nisi multiplices, minutasq; cellas observare potuit. Certe infelici sorte usus. An aliud nihil in Ludo fuisse credam? Cellulas quidem gladiatores inhabitabant: ast ubi exercebantur? Nèpe tirones in Ephebeo, veterani in Xysto, in qua rasa humus fuit, arena inspersa, eadem de causa, qua in Amphitheatro. Et hac loca proprie Ludus gladiatorius, non cella illa, si

*Iudus est, ubi gladiatores usum armorum
 ediscunt. Itaq; Cujacio non accedo, qui illud
 EXEDR, in Inscriptione numero multitudi-
 nis Exedras exponit. In simulat alii, quod non
 reddita causa affirmetur, deinde in Gymnasio
 denotare Xysta, longe a sententia Budai, qui
 Xystum esse voluit. Et tamen, si attendamus,
 nihil clarius demonstratum comperiemus.
 Xystus pro porticu sequioris generis cum sit,
 nullus dixerit, deinde Xystis, ut ad Pallium Ter-
 tulliani perperam a Salmasio factum; nam
 est, ut proxime notatum, ex Xystis. Ex quo
 illud existit, deinde Xystis esse necessario, qua La-
 tinis Xysta, & quandoque masculino genere,
 Xystus. Hac, quamvis exilia videantur, ta-
 men ea nisi probe teneamus, in intelligendis bo-
 nis auctoribus, multis nos erroribus implicare
 possunt: eademque jam non insinuaverat mo-
 do, sed diserte monuerat Auctor: & eo scire
 se dixit, deinde ad Xysta referr; veteremque
 lectionem in voce περιπαλεις Vitruvio asse-
 ruit. An posthac de probatione expositula-
 bunt? Nunc demum recte capimus verba
 Pollucis. deinde Xystis in ois ai αὐτοῖς. Hac vi-
 ris doctis fraudi fuerunt: at is non de Xysto
 tecta loquutus est, sed de Xystis subdivalibus.*

Agimus etiam subintelligemus, cum hypaethras
ambulationes in hortis, ubi se veteres deambu-
lando exercebāt, appellatas Xystos agerimus re-
perimus, ut apud Pliniū juniorē passim. Uno,
aut altero loco contentus ero. De villa apud
Thuscōs: Ante porticum Xystus concisus in
plurimas species, distinctusque buxo. De
Laurentino: Ante cryptoporticum Xystus
violis odoratus. Hac, Lector humanissime,
excusando, vel potius purgando Auctori no-
stro in medium allata volui, raptim, & in-
condite ad te scripta, operis pro editione ur-
gentibus. At quaecunque ea tandem sint,
aqui bonique consulas velim. Si quid omni-
no, hoc certe sine alicujus injuria a me factum
est; nam viros doctissimos, qui hac objecta-
runt, & amo effusissime, & colo. Vale.



Rev. Dominus D. Emmanuel Cicatelli videat, & in scriptis referat die 30. Septembris 1693.

Joannes Andreas Siliquinus Vic. Gen.

Canonicus D. Januarius de Auria Conf. S. Offic. Dep.

Eminentissime Domine.

UT Eminentiae Tuae iussa facerem, perlegi Opuscula scripta a Dominico Auliso, & nihil in eis, quod vel bonis moribus, vel Catholicæ Fidei officeret, inveni: & sapientiam eleganti nexu eruditioni conjunctam admiratus sum. Quocirca typis excudi posse censeo, ita si Eminentiae Tuae videbitur. Neapoli die 19. Decembris 1693.

Eminentiae Tuae

Additissimus Servus

D. Emmanuel Cicatellus.

Attenta relatione superscripti Rev. Domini Revisoris, quod possunt imprimi.

Imprimantur die 22. Decembris 1693.

Joannes Andreas Siliquinus Vic. Gen.

Canonicus D. Januarius de Auria Conf. S. Offic. Dep.

Magnif. U. J. D. D. Joseph Alciati videat, & in scriptis referat.

Soria Reg. Gaeta Reg. Moles Reg.

Miroballus Reg. Jacca Reg.

Provisum per S. E. Neap. 31. Augusti 1693.

Mastellonus.

Excellentissime Domine.

Dominici Aulisi libellos, de Gymnasii constructione, de Mausolei Architectura, de Harmonia Timaica, de Partu octimestri, & septimestri, Dissertatio Pythagorica, de Colo, iussu Excellentiae Vestrae perlegi, & cum nil in illis, quod adversaretur Regiae Jurisdictioni reperissem, sed praeclara eruditione, ac doctrina repletos, posse typis vulgari, si Excellentiae Tuae videbitur, censeo. Neap. nonis Septembr. 1693.

Excellentiae Tuae

Additissimus Client

Josephus Alciatus.

Imprimatur, verum in publicatione servetur Regia Pragmatica.

Soria Reg. Gaeta Reg. Moles Reg.

Miroballus Reg. Jacca Reg.

Provisum per S. E. Neap. die 9. Octobris 1693.

Comms.

D O -



DOMINICI

AULISJ

DE GYMNASII CONSTRUCTIONE

COMMENTARIUM.



Ultra in Vitruvio egregia vetustatis monumenta extare, quæ alibi invenire non est, norunt quicunque bonarum artium studio tenentur: quos tamen ipse non minus delectat, quàm exercet; ita in plurimis lucem desiderat, cujus non sua, sed temporis culpa indiget, quod omnia sursum deorsum versando, tenebras veluti quasdam priscis inventis offundit. Varia in medium exempla possent afferri: sed quæ de Gymna-

A

sio

sio habet, sint satis. Egit quidem de eo Vitruvius diligentissime: sed hætenus nemo unus, quod sciam, ejus inde ædificii designationem, nisi multis partibus mendosam, potuit exhibere. Quo factum, ut pulcherrima notitia careamus, quæ nisi ab optimo Scriptore, hauriri aliunde non potest; ut pretium operæ sit, post Mercurialis, Barbari, Perraultii, aliorumque conatus, istum lapidem de integro voluendum suscipere. Experiemur nos, si quid boni ad hanc vetustatis partem illustrandam excogitare valeamus. Quod si præstiterimus, non ingenii (scimus enim tenuitatem nostram) sed industriæ fructus fuerit. Utemur pro explanatione non aliis verbis, quàm Vitruvianis, ut tanto certius de veritate constet; intersitis solùm de nostro literis, seu notis, quæ indicent, ubi in Ichnographia, quam damus, quodque ædificii membrum quærendum sit. Præterea adnotatiunculas quasdam brevissimas pro faciliiori captu adscribere non pigebit.

DESCRIPTIO PALÆSTRÆ.

Vitruvius. NUNC MIHI VIDETUR, TAMETSI NON SINT ITALICÆ CONSUETUDINIS, PALÆSTRARUM ÆDIFICATIONES TRADERE EXPLICATE, ET QUEMADMODUM APUD GRÆCOS CONSTITUANTUR, MONSTRARE.

Palæstrarum nomine Gymnasia intelligi docent. sed falsò. Gymnasium in tria membra dividitur, quorum unum Palæstra, alterum Xysta, tertium Stadium. Gymnasium totum, Palæstra pars, a qua, ut præcipua, sermo fuit ordiendus. Vitruvii dictum, qui sub Augusto floruit, cùm Palæstras Italicæ consuetudinis esse negat, ad eas urbes non pertinet, quæ etsi in Italico solo positæ, a Græcis tamen, a quibus ortæ, incolebantur. Testis ei rei satis locuples una Neapolis, Græca urbs, quæ ex Græcorum instituto Gymnasium a vetustissimis temporibus conditum habuit, excoluitque, ut ex Strabone, qui & ipse sub Augusto scripsit, notum lib. 5. Ita quoque ad subsequētia post Augustum tempora, de quibus Vitruvius divinare nequibat, non pertinet; nam qui sequuti sunt Principes, Græcorum instituto delectati,

Gymnasia Romæ excitarunt. Primus id Nero fecit, teste Svetonio. Nec est, cur obnigratur vir doctus ex Plauti verbis in Bacchidibus.

*Ante Solem exorientem nisi in Palastram
veneras,*

*Gymnasi Praefecto haud mediocreis pœ-
nas penderes.*

Scilicet non meminit, Græcam eam esse fabulam, ex Philemone versam, Athenis actam, non Romæ. De aliis nihil disputare necesse est, cum hæc nostræ præsentis scripti-
oni sint abunde. Cæterum nil mirum, si hic Vitruvii inscriptio est, DE PALÆSTRARUM
ÆDIFICATIONE, ET XYSTIS, prætermissa Stadi-
orum mentione: quippe Stadia nihil fere
habent, quod Architectum remorari possit.
Satis itaque putavit, in fine Capitis hujus
paucula verba de ipsis subnectere.

IN PALÆSTRIS PERISTYLIA QUADRATA A, SIVE
OBLONGA ITA SUNT FACIENDA, UTI DUORUM STA-
DIORUM HABEANT AMBULATIONIS CIRCUITIONEM:
QUOD GRÆCI VOCANT ΑΙΑΤΑΟΝ.

Peristylum in Ichnographia quadratum
selegimus, ex quo certiores totius Palæstræ
men-

De Gymnasii Constructione. 5

mensurę deducuntur, quàm ex Peristyliis oblongis. Hęc enim multiplicis generis sunt: quadrata unius. Horum tamen ratione recte percepta, facile ubi Peristylum oblongum sit, quid variari debeat, cognoscimus. Area A columnis cincta, quaquaversum habet pedes 300, ut sint in ambitu Stadia duo.

E QUIBUS TRES PORTICUS SIMPLICES B, B, B, DISPONUNTUR.

Lata quęque pedes 42. cujus mensurę ratio in Xysto reddetur.

QUARTAQUE C, QUÆ AD MERIDIANAS REGIONES EST CONVERSA, DUPLEX, UTI CUM TEMPESTATES VENTOSÆ SUNT, NON POSSIT ASPERGO IN INTERIOREM PARTEM PERVENIRE.

Hoc est, Porticum istam esse oportere duplicem, ne Ephebeum, Coryceum, & alia proxima membra, quorum lumina, & ostia ad eam vergunt, imbrium injuriis pateant. Quod non nisi magno adolescentium, aliorumque, qui in eis se exercent, incommodo fieret. At cùm hęc ipsa membra ex altera parte porticum simplicem habeant adnexam, ut dicemus, constat nulla ibi ostia existisse;

riffe ; nisi forte unum , aut alterum in Ephebeo , & Coryceo, unde brevi itinere egredi athletæ in Xystum possent : quæ & ipsa in tempestatibus ventosis occludi poterant : quippe patentibus interim ostiis , & fenestris in opposito latere, Ephebeum, & Coryceum multa satis luce clarescebant. Hæc Porticus , quia duplex , lata erit pedes 84.

CONSTITUUNTUR AUTEM IN TRIBUS PORTICIBUS EXEDRÆ SPATIOSÆ D, D, HABENTES SEDES, IN QUIBES PHILOSOPHI, RHETORES, RELIQUIQUE, QUI STUDIIS DELECTANTUR, SEDENTES DISPUTARE POSSINT.

Novitium inventum fuit literarum Professoribus designare in Gymnasio Scholas, & ἀκασήρια, ut hæc Ciceronis in 2. de Oratore ostendunt. *Nam & seculis multis ante Gymnasia inventa sunt, quàm in his Philosophi garrire caperunt.* Negat vir eruditus, in Gymnasio Neapolitano literarum studia unquam fuisse : negat ullo idoneo auctore probari. Quid faciet D. Augustino? cujus hæc sunt e libro 3. contra Academicos. *Quid sit tam clarum est, ut frustra inficere? Persuadebis nimirum tanquam in Cumano Gymnasio, atque adeo Neapolitano, nihil eum peccasse, imò, etiam nec errasse quidem.*

An

De Gymnasii Constructione. 7.

An satis idoneus auctor est, qui omnem evi-
ctionem præstet? Latæ Exedræ sunt pedes
108. uti postea demonstrabitur, cùm de
Porticu Septentrionali Stadiata sermonem
instituemus.

IN DUPLICI AUTEM PORTICU COLLOCENTUR HÆC MEM-
BRA, EPHEBEUM E IN MEDIO, HOC AUTEM EST EXEDRA
AMPLISSIMA CUM SEDIBUS, QUÆ TERTIA PARTE LONG-
IOR SIT, QUAM LATA.

Athletæ, tametsi majore parte Palæstræ
literarum Professoribus cesserint, tamen
præstantiorem sibi seposuerunt, Meridiei
obversam, ut per hiemem plurimo Sole, &
clementiori cœlo fruerentur; nam hæc ma-
xime hiemi parata mansio est, cùm per æsta-
tem athletæ in Xysta progredierentur. In
hoc Gymnasii tractu medium spatium sibi
Ephebeum poscit, quod *Exedram amplissi-
mam* Vitruvius appellat. Quare non unę
modò Scholæ sedilibus erant instructæ, &
Exedræ dicebantur, sed & Ephebeum. Quod
notari velim; nam Ephebeum intelligit
etiam Dio Chrysostomus, ubi adolescen-
tulum athletam, Jatroclen nomine, in Exe-
dra Herculis, quæ erat in Gymnasio Neapo-
litano, sese exercuisse memorat: ὁρῶ μὲν ἐν πάλ-

πολλὴς ἐσικότες πρὸς τῇ ἐξίδῃ τῷ ἡρακλῆϊ. Et quæ sequuntur. Hoc est, *stantes ad Ephebeum*, quod hîc Herculi erat dicatum. Dicit ἐσικέτας, quia magna spectantium pars, quam sedes non caperent, stare cogebatur. *Exedra* pariter Ephebeum est in veteri Lapide Romano, sicuti *Porticus* est *Xyltus*.

SILVANO SANCTO
AUSTORNIUS
MEDICUS LUDI GALLIC.
PORTIC. ET EXEDR.
ET SIGN. ÆN.
VOTO SUSCEPT.
L. M. D.

Visum est Vitruvio addere, *cum sedibus*, non sine causa. Nam alioqui cellas omnes, quæ in Peristylîo, utut sedibus destitutas, Exedras vocabant. Varro Ornithona Exedram dicit lib. 3. de Re Rust. cap. 5. *Qui Brundusii hospes noster primus in Perystilio habuit Exedra conclusas arves, quas pasceret objecto rete.* Imò Strabo lib. 13. Exedram vocat quandam σκοπήν. Hoc fortasse verius, quàm quod opinatur Cujacius ad C. de operib. publicis, speculam eam ita fuisse exedificatam, ut haberet sedes complures in Exedrae formam.

Erant

De Gymnasii Constructione. 9

Erant ergo in Ephebeo sedes circum
ad parietem spectatoribus positæ, in me-
diis spatiis se puberes exercebant; non enim
aut nomen ipsum, aut Dio loco proxime di-
cto, dubitare nos finit, Ephebeum adole-
scentulis fuisse destinatum: scilicet, ut seor-
sum essent a viris, qui suas exercitationes in
Xysto, & Xystis peragebant. Illis præerat
Pædotriba, his Xystarcha.

Hæc cella tertia parte longior est, quàm
lata. Patet in latitudinem pedes 108. in
longitudinem pedes 144.

SUB DEXTRO CORYCEUM I.

Duæ omnino in toto Gymnasio cellæ
erant exercitationibus destinatæ, Ephe-
beum, & Sphæristerium, ubi non una modò
pila ludebatur, sed etiam coryco. Inde cel-
la hæc, quæ aliis *Sphæristerium*, Vitruvio
Coryceum dicta est; quippe corycum e
Gymnasii tecto suspendi testis est Antylus
apud Oribasium, qui & Corycum pro imbe-
cillioribus compleri olivarum officulis, aut
farina, & pro validioribus arena ait. Tū sub-
dit: τὸ δὲ μέγεθος αὐτῆς πρὸς τὴν δύναμιν, καὶ ἡλικίαν συναρ-

μοῖσθω. κερμάσσεται in τοῖς γυμνασίοις αἰῶθεν ἰξ ὀρεφῆς.

Sit ejus moles ad vires, & aetatem accommodata. In Gymnasis superne è tecto pendet. Vide cetera; nam κορυκομαχίας rationem docēt. Certe hic ludus, quo viri maxime exercebantur, omnino abs re institueretur in Ephebeo: nec alius pro eo occurrit in tota Palæstra locus, nisi Sphæristerium. Quid igitur dubitamus, a Coryco dici Coryceum, & hoc idem esse cum Sphæristerio? in quo plura ludorum genera exerceri consuevisse, docet Plinius lib. 5. epist. 6. *Spharisterium, quod plura genera exercitationis, pluresque circulos capit.* Quærit vir doctus, si cella hæc Coryco tribuitur, ubi erit Apodyterium? Locum nos statim indicabimus. Est Coryceum latum pedes 60.

Locat Vitruvius Coryceum sub dextro Ephebei. Hoc non est ad Occidentem, ut rentur: sed ad Orientem, versus Gymnasia frontem; quandoquidem Vitruvius Laconicum, & Caldam Lavationem ad sinistram. Ephebei statuit, quæ membra non nisi ad partem occiduam Palæstræ recte collocari ostendemus.

DEIN-

De Gymnasii Constructione. 11

DEINDE PROXIME CONISTERIUM K.

Quæ sequuntur Cellæ exercitationibus assignatæ non sunt: sed vel sunt ἀποθήκαι, ut Conisterium pulveris, & Ελεοθesium olei: vel ad lavacri, & balneorum usum comparatæ. Quod attinet ad Apodyteria, de his nihil meminit Vitruvius, quòd nullæ privatum in hunc usum Cellæ in Gymnasio excitarentur. Nec præterea athletæ omnes uno commode loco poterāt denudari, ob Frigidæ Lavationis, & Thermarum distantiam. Putem, duo omnino fuisse Apodyteria. Unum, quod esset pars Conisterii, ubi se exuebant, qui frigida essent loturi; proxime enim adjacet Frigida Lavatio. Alterū in Cōcame-rata Sudatione, cui cohæret Frigidarium.

Conisterium in totidem patescit pedes, in quot Coryceum.

A CONISTERIO IN VERSURA PORTICUS FRIGIDA LAVATIO L, QUAM GRÆCI ΛΟΥΤΡΟΝ VOCITANT.

Contraria sunt λῦτρον, & λουτρόν. Illud Galeno proprie Calda Lavatio, illud Vitruvio Frigida. Et claudit dextrum latus Ephebei, ut quæ in versura, seu in angulo Porticus duplicis posita est. Hinc fit, Cellam

Frigidæ Lavationis quadratam esse oportere, numerantem in circuitu pedes 43 2.

At verò Labrum a b f g, quod in ea inest, se extendit in oblongum: quippe ex uno latere cohæret parieti Meridiano Palæstræ, qui paries in Labrum per insertum tubum, aquam, ex fonte, aut flumine corrivatam, eructat. Est, si placet, longum pedes 88. latum 68. quare in tribus lateribus habebit obambulationem latam pedes 20. In eo Labro se abluebant, immergebantque. Hujusmodi unum habemus Neapoli, in regione Thermensi, unicum, si credimus, nostri Gymnasii vestigium. Sed jam alterum Ephebei latus lustremus.

AD SINISTRAM EPHEBEI ELÆOTHESIUM F.

In eo non modò olei, & ceromatis conditoria erant, sed etiam athletæ ungebantur, antequam membra pulvere conspergerent. Inde αλειπτήριον, seu *Unctuarium*. Latum, ut ceteræ intermediæ Cellæ, Ephebeo excepto, pedes 60.

Illud turbat, quod Conisterium, in quod pulvis Palæstricus condebatur, longe in altero Ephebei latere positum est; interserun-

tur

tur enim Ephebeum, & Coryceum. Ungi, & pulvere conspergi, conjunctæ res sunt. Cur Cellæ, quæ his deinceps usibus destinatæ sunt, loco distabunt? Mihi omnino videntur verba Vitruvii luxata, & debere Coryceum, & Elæothesium Cellas inter sese commutare, ut Coryceum migret in sinistrum latus Ephebei, Elæothesium in dextrum: ita Conisterio hærebit. Trajectiones hujusmodi plures in Vitruvio extant: quarum nonnullas viri magni jam substulerunt; de quibus hîc dicere, nihil est necesse.

PROXIME AUTEM FRIGIDARIUM G, AB EOQUE ITER IN PROPRIUM IN VERSURA PORTICUS.

Frigidarium est Thermarum portio, in latitudinem se extendens pedes 60. Galenus in lib. 11. Methodi partes λουτρῶν enumerat quatuor. Primò enim athletæ adibant Cellam ad sudandum comparatam. Tum, ubi aquæ calidæ lavacrum erat. Et hoc proprie appellari λουτρὸν ait. Tertiò transibant in lavacrum aquæ frigidæ. Ultimò in Cellam, ubi sudores detergebantur; sudare enim corpus pergebat etiâ post frigidæ lotionē. μετὰ τὴν τῆς ψυχρῆς χρῆσιν ἰδρῶσιν ἔτι. Hęc omnia

omnia brevi verborum ambitu idem Galenus libro 10. complexus fuerat .

εισελθόντες μὲν γὰρ ὁμιλῶσιν αἰεὶ θερμῷ, μετὰ ἧ ταῦτα εἰς ὕδαρ εἰσιᾶσι θερμὸν, εἰτ' ἐξελθόντες εἰς ψυχρὸν, εἰτ' ἀπομάττονται τὸν ἰδρῶτα.


Ingredientes enim versantur in aëre calido: postea intrant in aquam calidam: egredientes deinde in frigidam: tandem detergunt sudorem. Hæc magnam facem Vitruvio alucent. Palàm est, quatuor designari diversas Thermarum Cellas, hoc ordine, Lconicum, Caldam Lavationem, Frigidarium, Concameratam Sudationem.

Has omnes apte describit hîc Vitruvius. Ordinem tamen non eundem servat, quem Galenus. Iste enim, quid primò, quid tum fieret, enarrando, attendit. Vitruvius prout quæque pars oculis ingredientium occurreret, describit. Itaque sermonem orditur a Frigidario, quod est Galeno Thermarum tertia pars. Id nominis denotat aliquando Vas aquæ frigidæ, aliquando Cellam, ubi tale Vas sit. Nec alia significatione usquam occurrit. Unde longe a vero avius fertur vir eruditus, qui in Frigidario Palæstræ ulla fuisse aquas negat, satis esse reputans eas, quæ erant

erant in λούτρῳ. Scilicet, non vidit in λούτρῳ, non nisi eos versari solitos, qui tantum frigida uti voluissent, lavando, natando. Nec eò commodum erat pergere eos, qui post calidi balnei usum in frigidam transibant; longe enim aberant, ab angulo Occidentali Palæstræ ad Orientalem. Propterea istis aliam Cellam balneo calido proximam parare opus fuit. Et hoc est Frigidarium, ubi Baptisterium, seu Piscina aquæ frigidæ surgebat, non absimilis labro τῆς λούτρῳ. quare *Piscinalis Cella* Palladio dicta. De eo, qui Frigidarium idem cum Apodyterio facit, nihil attinet dicere; manifesta enim hallucinatio est. Esto, si videtur, Piscina lata pedes 44. longa 100. ut in ambitu ambulationem descriptam habeat latam pedes 8.

Peculiare fuit, quod de Villa Laurentina junior Plinius narrat, duo in eadem Balnei cella extitisse Baptisteria, ex adverso posita, quorum quodque tribus rectis constaret lateribus, quarto se in arcum curvante. *Inde*, inquit, *balinei Cella Frigidaria, spatiosa, & effusa, cujus in contrariis parietibus duo baptisteria velut ejecta sinuantur.*

*Cella Frigidaria Plinii cum duobus
baptisteriis.*



Ex Frigidario aqua derivabatur per fistulas, ut solis Caldæ Lavationis defunderetur, uti mox dicendum erit.

Est quoque ex Frigidario iter in versura porticus ad Propnigeum, quod Vitruvius alibi *Præfurnium* vocat: id autem est ostium furni. Latine proprie *Fornacem* dixeris. Saltem ita Palladius loquitur, qui de area furni, sub pavimento balnei, hæc habet: *Aream primò bipedis sternis, inclinata sic tamen structura ad fornacem, ut si pilam miseris, intrò stare non possit, sed ad fornacem recurrat.* Semel, iterumque *fornacem* appellat *προνυγεον*. Confer cum Vitruvio lib. 5. cap. 10.

Erat autem Furnus balnei cella subterranea,

nea . Fuerit propterea opus est in pavimento Frigidarii hiatus , per quem fornacarius se demittebat , ut ad Propnigeum iret . Hiatus iste est n , qui Vitruvio *Iter* . Cæterum Propnigeum , quia sub terrâ latet , in Ichnographia non exprimitur .

PROXIME AUTEM INTRORSUS E REGIONE FRIGIDARII COLLOCETUR CONCAMERATA SUDATIO O , LONGITUDINE DUPLEX, QVAM LATITVDINE.

Silent hîc viri docti ; nam quid hæc Sudatio esset , quidve a Laconico distaret , nullus dum cepit . Ea est quarta , & ultima pars Thermarum , Galeno memorata , in quam post frigidum balneum se athletæ recipiebant , ut exsudarent , & sudorem abstergerent . Ab hoc usu *Sudatio* , sicuti a testudineata forma dicta est *Concamerata* . Absterso sudore , vestes athletæ induebant , & digrediebantur ; quare , hîc alterum Apodyterium fuerit , necesse est . Proinde *Apodyterium balinei* dicitur Plinio juniore , quod ipse Cellæ Frigidariæ conjungit , ut Vitruvius *Concameratam Sudationem* . Frigidario .

Hinc etiam Plinius *laxum* facit Apodyterium ; scilicet , ut huic duplici usui commodè

inserviret . Vitruvius item Concameratam Sudationem longitudine duplicem statuit , quàm latitudine . Verba Plinii de Villa apud Thufcos sunt . *Inde Apodyterium balinei, laxum, & hilare, excipit Cella Frigidaria, in qua baptisterium amplum, atque opacum.* Nec mirum , eandem cellam diversa nomina a diversis usibus esse sortitam ; nam eadem quoque cella est Coryceum , & Sphæristarium : item Elæothesium, & Alipterium .

Longa est pedes 108. lata 54.

QVÆ HABEAT IN VERSVRIS EX VNA PARTE LACONICVM H, AD EYNDEM MODVM, VTI SVpra SCRIPTVM EST, COMPOSITVM : EX ADVERSO LACONICI CALDAM LAVATIONEM M.

Dicit *in versuris* . Nam una est versura exterior Palæstræ, & in ea est Laconicum : altera est versura interior Porticus duplicis, & in ea est Calda Lavatio ; relicto tamen introrsus spatio pro Concamerata Sudatione collocanda . Exacte hæc omnia in Ichnographia habes expressa .

Et ecce tibi primam , secundamque Thermarum partem a Galeno designatas . Prima est Laconicū , cujus cella in exteriori ambitu quadrata est : at intrà lateribus longe pluribus distin-

distincta, nō rectis, sed sinuatis, ut in quoque eorum locus in apside fornicatus imprimi possit, quò quisque athletarum se ad sudandum reciperet. Cognoscimus hæc ex Laconico Pisano, & in nostro signavimus m.

Sub pavimento Laconici Furnus erat, *καυσὸν* propterea dictus, ad quem superne hiebant tubuli quadri in Laconici pariete inserti, qui haustum ex Furno vaporem in Laconicum per superiora oscula diffundebant ad ciendum, proleclandumque sudorem. Nullæ enim ibi aquæ: & recte Galeno Laconicum est *ξηρὸν βαλανεῖον*, *balneum siccum*.

Cæterum Furnus ita amplus erat, & diffusus, ut ad Caldam quoque Lavationem, quæ propterea Laconico conjuncta, pertineret, ipsiusque etiam pavimentum suspenderet. Hæc est secunda Thermarum pars, & ipsa quadrata, circum pluribus Soliis distincta, p.

Ex succenso itaque hypocausti igne incalcescebat Caldarium, aut miliarium in balneo positum: ex quo per fistulas aqua quæ satis, in balnei solia derivabatur, moderante *εὐρέφισσι*. Vitruvii enim tempore tria erant in Thermis vasa ærea: primum erat Frigidarium in Cella

cognomine, ex quo aqua influebat in Tepidarium, supra Propnigeum: ex hoc decurrebat in Caldarium, quod Furno superextabat. Istud demum sufficebat soliis.

At non ita Palladii tempestate, cùm miliarium plumbeum in Propnigeo positum, rectà diffundebat in solia aquam ex Frigidario hauritam; tepidis enim per ea tempora magis, quàm calidis lavacris capiebantur; quippe miliarium, si fornaci, id est præfurnio imminet, necesse est, ut Tepidarium sit, non Caldarium, quod ipsi Furno imponebatur; minus enim caloris sufficitur ex Propnigeo, plus ex Furno. Ejus hæc verba sunt. *Miliarium verò plumbeum, cui area patina subest, inter soliorum spatia forinsecus statuemus, fornace subjecta: ad quod miliarium fistula frigidaria dirigatur, & ab hoc ad solium similis magnitudinis fistula procedat, quæ tantum calida ducat interius, quantum fistula illi frigidi liquoris intulerit.* Vides apertum discrimen, inter tempora Palladii, & Vitruvii, quæ sine magno errore confundi non possunt. Vides etiam loca, ubi vasa hæc debeant collocari, in quibus investigandis viri docti se, aliosque torserunt.

Con-

Constat ex his, a Furno non unum modò Laconicum, sed & Balneum concameratione fuisse suspensum. Et hæc est *suspensura balnearum*, quam memorat Seneca ad Lucilium: *Balnearum suspensura inventa est, ne quid ad lautitiam deesset. Ideo ad lautitiam*, quia incalescebat ipsum etiam balnei pavimentum concamerationi superstructum, & blando eo calore plantæ pedum nudæ veluti titillabantur. In plano enim offendunt, qui hæc non intelligentes, labra quædam comminiscuntur, ad lectulorum pensilium imitationem, laquearibus suspensa. Cui bono? Suspensi eo, quo diximus, modo per furnum balnea, antiquissimum Græciæ inventum est: apud Romanos Sergius Orata ætate L. Crassi Oratoris introduxit primus. Et ita capiendus Plinius, ubi de eo scribit: *Primus pensiles invenit balineas, ita mangonizatas villas subinde vendendo*. Id si capiamus, ut isti volunt, de balneis e tecto pendentibus, nimis inepti fuerint, qui carius Villas ab Orata propterea emebant; nam promptum erat, & similia construere, & constructa transferre. Nec demum Villæ pars esse poterant.

Latus quodque Balnei est pedes 54, ut etiam Laconici, cùm utraque cella in quadrum exeat.

Et hæ Thermæ sunt, per singulas partes explicatæ: & non sine ratione a Vitruvio in hunc Palæstræ angulum rejectæ, ut ex una parte Meridiem respiciant, ex altera Africo sint obversa. Nam de balneo ita Palladius. *Lumina ei dabimus à parte Meridiana, & Occidentis Hyberni, ut tota die Solis juretur, & illustretur aspectu.* Paria his habet Vitruvius lib. 5. cap. 10.

Porro fusoria, per quæ balneorum eluvies decurrat, in postico sint, Occidenti opposita.

Palæstra hæctenus descripta ob inæqualitatem, vitio non caret; nam a centro Peristylil A, si quis Meridiem versus progrediendo, latus dextrum mensuret, comperiet pedes 342; cùm interim sinistrum latus ab eodem centro pedes 300 non excedat. Æqualitati Porticus duplex C obstat. Quæ tamen latera mox Vitruvius æquabit. Itaque membra exteriora persequamur.

IN PALÆSTRA PERISTYLIA, QUEMADMODUM SUPRA SCRIPTUM EST, ITA DEBENT ESSE PERFECTE DISTRIBUTA. EXTRA AUTEM DISPONANTUR PORTICUS TRES. UNA P EX PERISTYLIO EXEUNTIBUS.

Ornat Vitruvius Palæstræ aditum Porticu, quæ, ut inter membra iusta commensus ratio sit, excurret in longum pedes 300, ut Peristylîi latus exæquet: at lata erit pedes 42, uti reliquæ Porticus omnes, duplicibus exceptis.

Porticum istam extra Palæstram disponi ait, ut mirum sit, virum magnum, cui Galli Architecti plurimum debent, eam intra Palæstram statuiffe, in Prothyro: oblitus etiam, in ædificiis potius privatis, quàm publicis fores Prothyro communiri.

DUÆ, DEXTRA, ATQUE SINISTRA, STADIATÆ. EX QUIBUS UNA Q, QUÆ SPECTAVERIT AD SEPTENTRIONEM, PERFICIATUR DUPLEX, AMPLISSIMA LATITUDINE.

Duæ Porticus istæ (de quarum una in præsens, mox de altera sumus dicturi) indicio sunt, Palæstræ latitudinem in stadium porrigi; quando ipsæ, quæ cetero ædificio haud dubie æquales, stadiatæ sunt, id est stadium longæ. Jam cùm latus Peristylîi sit pedes 300, & duæ Porticus, hinc inde ad Orientem, & Occidentem adnexæ, conficiant simul pedes 84; fit,

fit, Exedras, quæ statim sequuntur, explere pedes 108 singulas. Istæ enim mensuræ omnes, in unum computatæ, stadium faciunt.

Itaque Porticus exterior Septentrionalis stadiata est, seu longa pedes 600. At quia duplex, lata pedes 84. Aditus ad eam per N, N, singuli lati pedes 42. In ea discipuli, aut spatiabantur, aut λίσχας habebant, λίσχας cum Hierocle voco conventiunculas, quas discipuli, qui ideo λεσχηνῶται dicti, de sapientia habent. Erant hæ *Lesche* Apollini λεσχηνορίῳ sacra. Harpocratio ex Cleanthe: ἀπονειμῆσθαι τῷ ἀπείδῳ τὰς λίσχας.

ALTERA SIMPLEX R, ITA FACTA, UTI IN PARTIBUS, QUÆ FUERINT CIRCA PARIETES, ET QUÆ ERUNT AD COLUMNAS, MARGINES HABEAT (circa parietes c, c, c: ad columnas, o) UTI SEMITAS, NON MINUS PEDUM DENUM, MEDIUMQUE e e EXCAVATUM, UTI GRADUS BINI d d SINT IN DESCENSU SESQUIPEDALI A MARGINIBUS ccc, o, AD PLANITIEM e e. QUÆ PLANITIES SIT NON MINUS LATA PEDUM DUODECIM. ITA QUI VESTITI AMBULAVERINT IN MARGINIBUS, NON IMPEDIENTUR AB UNCTIS SE EXERCENTIBUS. HÆC AUTEM PORTICUS ἑστῶς APUD GRÆCOS VOCITATUR, QUOD ATHLETÆ PER HYBERNA TEMPORA IN TECTIS STADIIS EXERCENTUR.

Haftenus de Porticu stadiata Septentrionali, id est sinistra. Nunc de Meridionali, quam

quam *dextram* suprà Vitruvius dixit . Est ergo Palæstre conjuncta, longa & ipsa, ut Septentrionalis, pedes 600. lata, quia simplex, pedes solum 42. Jam vides æquata hîc a Vitruvio latera Palæstræ, si a centro Peristylî computationem ineas; hinc enim in Septentrionem numerantur pedes 384. illinc ad Meridianas plagas, totidem.

De ea multa docet, quæ ad duo summa capita reducuntur. Primò, ut a postremis ordiatur, tradit usum; extrui eam, ut athletæ per hyberna tempora, cœlo præsertim pluvio, ibi se exercerent, sub tecto: & ad hoc rasa humus erat, a qua rasura Porticus *Xystus* dicitur. Sudo cœlo, & per æstatem athletæ prodibant in Xysta, ubi sub divo exercitationibus vacabant, de qua re loco dicemus.

Deinde partes, quæ tres omnino sunt, & singularum dimensiones ostendit. Primam faciunt Margines, qui juxta tres parietes Porticus, & juxta columnas, quæ in latere Meridionali surgunt, velut semitæ discurrunt. Horum cujusque latitudo est minimùm pedes 10. Alteram constituit Medium excavatum, id est planities in media Porticu depressa, hu-

mo rasa : Id Græci *σκάμμα* vocant : quod Vitruvius hîc exprimere conatus est , dum *Excavatum* appellat ; id enim Græce est *σκάμμα* . Et sicut in marginibus cōsistebāt spectatores , ita in scammate se exercebant athletæ : propterea Tertullianus athletas ab Epistate ungi , & in scamma deduci ait, lib.ad Martyres, cap. 3. Latum est non minus pedes 12. Ultimam efficiunt Gradus bini, qui sunt in descensu a marginibus ad scamma . Ita fiet, ut spectatores , qui morantur in marginibus , infici ab athletis nequeant , qui uncti se exercent in scammate . Cujusque gradus retractio sesquipedem explet .

Jam si has omnes mensuras conferamus in unum , colligentur pedes 38, quibus si addideris pedes quatuor, quot sibi vindicant stylobatæ , comperies Porticum eam in latum extendi pedes minimùm 42; quando latitudines marginum, & scammatiss, quas hîc Vitruvius exhibet, minores sine vitio esse nequeunt : nihil tamen obstat , quin in majus spatium diffundi queant .

Et hæc Porticus posita a Vitruvio est pro regula latitudinis Porticum cæterarum , quas propte-

propterea nos pedum 42 singulas fecimus. De lateribus stylobatarum tacuit Vitruvius, quia incerta sunt, & variari ferme pro arbitrio possunt. Nos pedes quaternos gratia exempli dedimus. Si cui libet, plus minusve sumat.

Ecce, ut Vitruvius more magnorum virorum, non omnes, sed paucas hujus ædificii mēsuras exhibet, eas scilicet, quæ reliquarum omnium regulæ sunt, & ex quibus facile ceteras, de quibus ipse silet, possumus venari. Nos tamen, ut interpretis munere fungeremur, singulas expressimus.

Mensuræ Vitruvianæ sunt.

Peristylī ambitus pedum 1200.

Longitudo Xysti pedum 600.

Ejusdem latitudo per partes expressa pedum 38, cui addendum latus stylobatæ.

Et ex his totius Palæstræ, & membrorum principum mensuræ patent omnes. At in Cellis athletarum ita procedit.

Ephebeum tertia parte longius, quàm latū.

Frigida Lavatio, & tres cellæ Thermarum in versuris Porticus.

Concamerata Sudatio duplò longior, quàm lata. Ex quibus reliquarum cellarum

mensuras facile est colligere : quod & fecimus . Et de Palæstra hæctenus.

DESCRIPTIO XYSTORUM.

FACIENDA AUTEM XYSTA SIC VIDENTUR , UT SINT INTER DUAS PORTICUS S, T, SILVÆ, AUT PLATANONES *ββββ*. ET IN HIS PERFICIANTUR INTER ARBORES AMBULATIONES VV. IBIQUE EX OPERE SIGNINO STATIONES *δδδδ*.

Alteram Gymnasii partem faciunt Xysta in postico Palæstræ sub dio explicata , ab ea tamen disjuncta . Ea concludit Vitruvius Porticibus tectis duabus, S, T, quarum altera ad Septentrionem spectat , altera ad Meridiem , lata quæque pedes 42, ut cetera distantia a columnis ad columnas æquet stadium, id est pedes 600.

Longitudo Xystorum est pedum 642. Hæc ita distribuitur, ut pedes 600 occupent silvæ , ambulationes , stationes , ut in Ichnographia : at qui supersunt pedes 42 prope Palæstram , destinantur Hypæthræ Ambulationi, ut dicam.

PROXIME AVTEM XYSTVM R, ET DVPLICEM PORTICVM Q DESIGNENTVR HYPÆTHRÆ AMBVLATIONES X, QVAS GRÆCI ΠΕΡΙΔΡΟΜΙΑΔΑΣ, NOSTRI XYSTA APPELLANT : IN QVAS PER HIEMEM EX XYSTO R SERENO COELO ATHLETÆ PRODEVNTES EXERCENTVR.

Docet Vitruvius distingui apud Latinos Xystum, & Xysta; ut Xystus sit Porticus, ubi sub tecto athletæ per hiemem pluvio tempore exercebantur: Xysta verò sint subdivalis ambulatio, quò per æstatem, & cælo sereno commigrabant ad consuetas exercitationes. Græce tamen uterque locus præcise ξυστός dicitur. Plena oratio in subdivali esset ξυστός δρόμος, in tecto τοῦ ξυστός, Attice. Inde σύμπασις ξυστός in Inscriptione Romana.

M. αὐρηλίου δημητρίου ἀρχιερέως τῆς
σύμπασις
ξυστός διὰ βίης ξυστάρχου.

Hoc est, *Xystarcha utriusque simul Xysti*, & tectæ, & subdivalis. Hæc enim, missis aliorum nugis, ita capienda sunt. Et athletæ σύνodus ξυστική dicuntur ab Imperatore Antonino in alia Inscriptione.

συνόδος
 ἐν τῇ τοῦ περὶ τὸν ἡρακλέα ἀθλητῶν
 ἱερουσόλων
 ἐπιφανείῳ χαίρειν.

Quin nec Latini semper eo discrimine,
 quod notat Vitruvius, usi sunt: & Hypæ-
 thræ Ambulationem quandoque *Xystum*
 dixerunt. Quod quidam reperiri perperam
 negant. Constat id ex verbis Valentiniani
 in Codice Theodosiano: *Exceptis Porticus,*
Xysti, Virginumque Vestalium, quot Regio-
nes Urbis sunt, totidem constituentur Ar-
chiatri. Ubi *Porticus* est, quæ Vitruvio *Xy-*
stus: at *Xystus*, quæ eidem *Xysta*, & περιδρομίδες.
 Budæus vir egregie doctus, legit παραδρομίδες,
 quòd essent juxta δρόμους, ceterosque in assen-
 sum traxit. Sed non ego credulus illi, qui
 sciam ipsa hæc *Xysta* esse δρόμους. Quare nihil
 mutandum. Vitruvius περιδρομίδας vertit *Am-*
bulationes. Quod utriusque linguæ studiosi
 non negligent.

Erant Hypæthræ Ambulationes proxi-
 me *Xystum*, & Porticum duplicem, stadia-
 tam scilicet. Quod stare non potest, nisi
 collocentur in postica parte Palæstræ: a qua
 tamen

tamen proxime distabant, pedes, si libet, 21, id est dimidia Porticorum latitudine, ut athletæ brevi itinere ex proxima Xysto prodeuntes, pervenirent ad Xysta. Horum longitudo stadium æquat, quantum inter se distant laterales Porticus S, T, quibus concluduntur. Latitudo pedes 42.

DE STADIO.

POST XYSTUM AUTEM R, STADIUM Z ITA FIGURATUM, UT POSSINT HOMINUM COPIÆ CUM LAXAMENTO ATHLETAS CERTANTES SPECTARE.

Partes Gymnasii ultimo loco descriptæ, id est Xystus, & Xysta, privatis athletarum, exercitationibus erant destinatæ, ad quas tamen spectandas non minima hominum vis confluebat. Stadium verò adibant athletæ ad decertandum in publicis solemnitatibus, tanquam ab umbra prodeuntes in Solem, & pulverem, ut a totius Græciæ oculis spectarentur. Propterea circa Stadium Vitruvius gradus pro spectatoribus exigit, gradibus Amphitheatri non dissimiles, qui ingenti hominum multitudini capiendæ sint pares.

Longitudo Stadii neminem latet. Lati-

tu-

tudo erat, opinor, pedes 42; nam etsi hîc nulli stylobatæ, extabant tamen in medio cippi κ, κ, κ , e lapide quadrato singuli. Primus, qui stabat in principio Stadii, inscriptum, in uno latere habebat, ΑΡΙΣΤΕΤΕ , *Vir esto*. Alter, qui in medio cursu, eodem modo ΣΠΕΤΑΕ , *Festina*. Tertius, qui in fine pro meta erat, ΚΑΜΨΟΝ , *Volve*. Hæc eadem in altero latere erant ἐπιχρᾶματα .

Quicumque harum rerum sensum habent, & Vitruvium intelligunt, quin recte a nobis Gymnasium descriptum sit, dubitare non possunt. Aliorum hac in re errores, qui multi, & maximi sunt, quisque jam per se deprehendere potest; nec enim nostri moris est imitari eos, qui in viros doctissimos juveniliter insultant.





CAROLUS PONARUS

LECTORI S.




Superioribus diebus, cum dissertationiuncula hac de Mausolei Architectura esset jam formis excudenda, accidit, ut Auctori sermo oriretur cum V. Cl. Didaco a Vidania, quem officii causa convenerat, de Nummo, qui frequens apud Antiquarios, & ex una parte Artemisia reginam effingit, ex altera Mausoleum. Is statim, ut est eruditissimus, eum a Gisberto Cupero adnotationibus illustratum ostendit, de quo noster Auctor antea inaudierat nihil; quare pro indicio egit viro praestantissimo gratias, quando hac nosse sua vel maxime intererat. De eo Nummo quid sentiat, quæris? Eum quidem cum Cupero fictitium, & male nota agnoscit: at artificem fuisse ingeniosum, & qui mentem Plinii optime perceperit, ut Cuperus

contendit, id verò negat. Causas, quibus
 adductus ita statuat, hic tibi in limine notas
 facere, non alienum puto. Circa columnas
 non uno modo artifex allucinatur; nam &
 decem numero in fronte Mausolei exhibet,
 duas scilicet minus vero: & in edificio Pe-
 riptero angulares omittit; ut de gradibus Py-
 ramidis taceam, quos ob summam negligen-
 tiam quinque tantum exprimit. An hoc
 sit Plinii mentem assequi, tui iudicii esto. Au-
 riga in summo conspicitur, tanquam Hiero-
 nica, in curru sedens, cui a tergo V ictoriola
 coronam imponit. Verius tamen est, repræ-
 sentasse Agitatorem erectum, instar aurigan-
 tis in Hippodromo. Sed ne quid dissimulem,
 inter tot errores illud recte habet, quòd
 Mausoleum ^{iniquior} sit, & quòd Scala subje-
 cta cernantur. Quæ sane duo, cum ad Pli-
 nium intelligendum maxime faciant, Cupe-
 rustamen aut non vidit, aut neglexit. In ea
 quo casu artifex Nummi inciderit, nescio.
 Certe casu, ut argumēto sūt reliqua, qua ha-
 bet, falsa, inepta; nam qui hac e Plinio certa
 ratione elicit, in ceteris errare non potest.
 Extat & alter Artemisia Nummus in nobi-
 li

li Museo Francisci Picchetti, adulterinus
 & ipse, sed inventurarius, nec Cuperò vi-
 sus, in quo quadam meliora sunt, qua-
 dam deteriora, nonnulla paria. Scalas exhi-
 bet, & quidem expressius. Columna pa-
 riter decem in fronte visuntur, sed sanio-
 ri consilio extrema duæ angulis insident.
 At verò perperam alitudo inferior una
 constat Zona, quam efficiunt Columna
 cum trabeatione, quas podium finit. Tum
 surgit Pyramis multiplicibus distincta gra-
 dibus, ubi, quod mireris, latus quod-
 que est per medium, a summo ad imum,
 profundiori semita intercisum. Unde hoc ar-
 tifex hausit? sine dubio, ex vano; alioqui
 commendandus in Quadriga, qua tanquam
 in cursu est, etsi Agitator attritu oblitera-
 tus, non appareat. Ita sese Nummi isti in-
 vicem refellunt, falsique arguunt. Nec te plu-
 ribus morer: ad ipsam dissertationem adi.
 Vale.





DE MAUSOLEI

ARCHITECTURA.



Ulchre sibi consuluerunt vi-
ri de Plinio optime meri-
ti , qui licet omnem ope-
ram in eo auctore illustran-
do posuerint , tamen quæ
ab ipso de Mausolei stru-
ctura produntur , pœne intentata relique-
runt . Illos sane absterruit laboris difficul-
tas , dubiusque exitus ; rem enim undique in-
volutam satius est omnino non attingere ,
quàm faticando nectere magis : aut certe re
nihilominus inconfecta discedere . Id con-
siliū imitari tutum erat ; nisi contrā revo-
cassent alii , quos animi impetus eò impellit ,
ut quæ a ceteris omnibus desperata vidēt , ad
ea promptius aggrediantur . Quos ut hīc se-
quar , facit non laudis aut cupido , aut spes :
sed facilis in lapsu culpæ deprecatio . Ecquis
enim

enim non ei libenti animo parcat, qui in iis offendit, & labitur, quæ sibi quoque impervia fateatur?

Verba Plinii de Mausoleo hæc sunt. *Patet ab Austro in Septentrionem* (alii Codices, *ab Austro, & Septentrione*) *sexagenos ternos pedes: brevius a frontibus: toto circuitu pedes cccxi. Attollitur in altitudinem xxv cubitis. Cingitur columnis xxxvi. Qui-*dam addunt, *Pteron vocavere*. Et mox. *Supra pteron pyramis altitudinem* (vel, *altitudine*) *inferiorem aquavit, xxi iiii gradibus, in meta cacumen se contrahens. In summo est quadriga marmorea, quam fecit Pythis. Hæc adjecta cxl pedum altitudine totum opus includit.* Hæc ipse.

Palàm est, a Plinio quæstionem Architectis explicandam proponi, his membris edificiï, his mensuris, quæ ipse prodit, universam Mausolei formam, dispositionemque pervestigare. Eam nos, quâ fieri potest, solvere conabimur; si modò prius insigne ex verbis Plinii mendum, quod euntes nos remorari posset, amoveamus; nam cùm totum opus quatuor lateribus fuerit conclusum,

quæ

quæ non omnia æquali proportionē inter se convenirent, sed opposita duo longius excurrerent; Plinius ait, latera fuisse porrectiora, frontes breviores. Quod stare nullo modo potest; nam si latera explent singula 63 pedes, & totus ambitus pedes colligit 411; qua demum ratione frontes breviores erunt? Certe emendandum, *Longius a frontibus*: vel, *brevius quàm a frontibus*. Quanquam de hoc ambitu quid statuendum sit, porro dicemus.


Illud primò pro *Ichnographia* occurrit; in eo, quem posuimus, ambitu quæ fuerint intervalla columnarum a centro ad centrum, quotque earundem singulis lateribus tributæ. Res, ut omnia conere, exitum nullum habitura est, nisi sciamus, præteritas a Plinio esse partes quasdam minus principales, quas nobis scrutandas mensuris a se prolati reliquit, ut haberemus in quo industriam nostram exercere possimus. Sunt hæ partes, Aditus duo, unus in fronte, alter in postico: & Scalæ, quæ ædificia a plano erigentes, iisdem non minimam dignitatem, majestatemque conciliant. Ita omnia pulchre

chre inter se apta congruent , ut demonstrandum est.

Ichnographia Mausolei sit B. In latere AC extabant sine dubio columnæ octo , abeuntes invicem pari intervallo pedum novenum , si computationem a centro ad centrum ineamus ; ita enim habebimus pedes 63 , quot Plinius lateri adscribit . Si in Plinio retineas , *Ab Austro ad Septentrionem* , latus AC ad Occidentem verget , ut expressimus in Ichnographia . At si placet altera lectio , *Ab Austro, & Septentrione* , Meridiem spectabit .

Hoc , veluti Herma quodam in trivio , statuto , cetera in prono erunt , & facile investiganti sese obvia ferent ; inde enim fit , ut in fröte A D fuerint dispositæ columnæ duodecim , computatis angularibus , A , D ; quæ & ipsæ novenos pedes distent singulæ , excepto medio spatio EG , quod laxius est , ut facilem aditum petentibus cellam præbeat : qui aditus latitudinem habet , quæ Sclarum erit , pedum decem semis . Itaque frons A D excurrat ad pedes 100 $\frac{1}{2}$.

Necdum tamen res confecta est ; nam si col-



CANON PEDVM 100

.....

colligantur in summam unam omnia quatuor latera, comperiemus integrum ambitum A D F C conficere pedes 327: & deficient a calculo Pliniano 84. Nihil tamen id nos turbat, nec de gradu movet; quin aditum ad cetera investiganda aperit. Sane ambitus, quem metitus est Plinius, non progreditur per lineas, quæ columnarum centra percurrunt, ut a nobis hætenus factum: sed extimam radit Sclarum oram H I L K,

ut

ut ipse rerum omnium inter se nexus , & consensus ostendit . Quæ probandi ratio omnium firmissima est.

Itaque pro Scalis extruendis , partiemur reliquos pedes 84 in octo exteriora latera Quadratorum M N, T S, R Q, P O . Et cuique lateri contingent pedes decem semis . Numerant ergo Scalæ in latere pedes 84, in fronte pedes 121 $\frac{1}{2}$. Qui si duplicentur, exhibent , ne uno quidem minus , summam Plinianam 411.

Hæc vel invitis fidem facient , nos *ισόχως* sensisse ; tamen si quæ dubitatio reliqua esse potest, eam eximent Scalæ ipsæ, quæ non casu, aut pro arbitrio, sed certa ratione hoc spatium nactæ sunt . Primò enim Sclarum latitudo maximam concinnitatem habet ex ipso membrorum commensu ; æquat enim aditum Mausolei E G , cùm utrobique numerentur pedes deni cum semisse . Deinde graduum impar numerus est ; quia enim retractio gradus cujusque minimùm sesquipedalis est , ascensus ad Mausoleum erit per gradus septem , quot capit latitudo pedum 10 $\frac{1}{2}$. Quem imparem graduum numeri m

olim in Scalis solícite perquisitum, nemo nescit, ob superstitionem ingrediendi dextro pede; nam qui eo primum gradum ascendit, eodem in eðes, aut in templum perveniet.

Ex his constat & illud, basis Plinthum in columnis expleſſe pedes tres, quoquo versus; nam supremus Sclarum gradus sesquipedalis sub columnas excurrrens, desinit in ipsarum centris. Nec projectura basis procedere extra solidum gradus ultimi potest.

Sed abs re non fuerit, antequam progrediar ulterius, híc quo alio exemplo ostendere, in ædificiorum membris, mensurisque tradendis quædam præteriri, quæ indidem supplenda peritis permittuntur. Exemplum esto ex Plinio ipso, qui de Templo Ephesiæ Dianæ hæc habet. *Universo Templo longitudo est ccccxv pedum. Latitudo ducentorum viginti. Columna centum viginti septem a singulis Regibus facta, lx pedum altitudine.* Ex quibus nunquam te expedies, nisi in fronte sint columnæ 22, distantes intervallo denum pedum a centro ad cētrum; relicto medio spatio 20 pedum pro aditu, seu ostio.

TEMPLVM DIANÆ EPHESE
EX PLINIO

COLVMAE 22

OSTVM P. 20.

FRONS.

OSTIVM P. 12 $\frac{1}{2}$

COLUMBAE. A3.

PEDES 220

OSTIVM P. 12 $\frac{1}{2}$

COLVMNAE 23

PEDES 425.

ostio . In postico columnæ 23 , ostio nullo .
 At in quoque latere extent columnæ 43 ,
 computatis angularibus , inter quas pateant
 aditus bini, pedum duodenum cum semisse
 singuli . Ita ambitus cum numero columna-
 rum recte congruet . Aditus quisque late-
 ralis extabat, opinor, inter columnam 14, &
 15 , ordiendo semper hinc inde ab angula-
 ribus, ut medium inter aditus spatium occu-
 paverint columnæ quindecim . Alia de hac
 æde Architectis scitu digna habes apud
 eundem Plinium lib. 36. cap. 23.

Sed ut revertar ad rem, postrema verba,
 quæ in quibusdam libris Turnebus legit,
Pteron vocavere , quin hîc perperam assuta
 sint ob sequentia illa , *supra Pteron* , vix est,
 ut dubitemus ; quod & ex his , quæ dicturi
 sumus, clare constabit .

Progrediamur modò ad erectam frontis
 imaginem , quæ *Orthographia* nuncupatur .

Prima Mausolei altitudo surgebat ad cu-
 bitos 25 . Putant a Plinio cubiti nomine in-
 telligi pedis unius, & dimidii mensuram ;
 quæ tamen errorẽ facile extorquebit compu-
 tatio, quã Plinius de totius Operis altitudine

in-

De Mausolei Architectura. 45

instituit. Ea est pedum 140, quorum 25 cubitos tribuit inferiori altitudini, totidem superiori: quod reliquum est, occupatum a Ptero, & Quadriga ait. Quocirca si cubitus hic sit sesquipedalis, surgent Pteron, & Quadriga ad pedes 65. Quod facile recipiet nemo. Certe omnia respondent melius, si capimus de Cubito *Historico* pedum duorum; sic enim appellatur, ut prior ille cubitus *Regius*, aut *Iustus*. Hero de mensuris. ὁ πῆγος ἐν θυμείρῳ καὶ βασιλικὸς καλούμενος πόδας φιλεισταιρικὸν αἶψ'. ὁ πῆγος ὁ ἰσχυρὸς δακτύλος λβ', πόδας δύο. Quam dimensionem si sequamur, altitudo Pteri, & Quadrigæ explebit pedes non amplius 40. Quod verius est.

Erit ergo prima altitudo pedum 50, non a summis scalis, sed a plano. Septem scalarum gradus alti sunt pedes 5, uncias 10; cum singuli, ut mollis sit ascensus, non sint crassiores dextante. Subductis his, reliqui fient pedes 44 cum sextante, quos partim vindicabunt columnæ, partim mediæ Zonæ paries.

Ad inveniendam columnarum altitudinem nos veluti manu ducere potest spiræ Plinthus, quæ trium pedum quoquo versus est

est, ut jam observavimus. At quod columnarum genus seligemus? Cùm plura tentando experti essemus, nihil comperimus, quod æque calculo, & rationi respondeat, quàm genus Corinthium; quod etiam ob altitudinem, qua reliqua genera superat, apte huc venit. Hæc præsertim in causa fuere, cur rejecerimus columnam Doricam, quæ alioquin, ut severioris structuræ, satis Heroibus conveniebat. Nolui hæc silentio præterire, ne forte quod judiciū fuit, oblivio videretur.

Projectura basis ab uno latere esto quadrans crassitudinis, seu diametri columnæ in imo scapo: quæ est *ἑκφορα* basis in genere Dorico, sed & generi Corinthio usui est, ubi nimirum columna a solo surgit, id est basim habet, sed non stylobatam. Ergo crassitudo columnæ erit pedum 2: integram projecturā basis faciet pes unus, hinc inde semis. Hæc omnia simul juncta efficiunt pedes tres, quot Plinthei latus habet. Et quia in genere Corinthio altitudo columnæ cum basi, & capitulo novies superat dimetientem imi scapi, hinc ea erit pedum 18, in hunc modum; Capitulum altum p. 2: spira p. 1: scapus p. 15.

Pro

Pro Epistyllo, Zophoro, & Coronâ capiemus quadrantem pedum 18: qui tributus in partes decem, tres cedent Epistyllo, totidem Zophoro, reliquæ quatuor Coronæ. Ita unâ cum trabeatione columna evadet alta pedes 22 semis. Interim, si minima quæque nimis curiose confectatus videor, excusabit, opinor, nos, quòd ita singula lucem sibi mutuò dant, & recipiunt. Ex Templo Ephesio vir doctus conjectat, columnis altitudinem fuisse pedum minimùm 60. Quæ divinatione quid levius? Quid verbis Plinii magis contrarium, qui palàm columnas intra altitudinem 25 cubitorum concludit?

Hinc est, intercolumnium patere pedes septem, in quod spatium columnæ tres cum dimidia inferi possunt. Quocirca est ædificium speciei Aræostyli, quam damnant Architecti, quòd epistylia ob intervallo-
rum laxitatem frangi facile possunt. At damnant, ubi grave onus ferre debet; nam si summæ trabeationi paries nullus superstruatur, non repugnant. Vitruvius lib. 6. c. 4. de impluvio: *Peristyliorum intercolumnia ne minus trium, ne plus quatuor colum-*

narum crassitudine inter se distent . Ea laxitudo in Mausoleo videtur electa, ne signa, quę sine dubio ad parietem Cellę sub apsidibus erant, & a quibus ædificio huic maxima commendatio accessit, columnarum objectu, & frequentia obscurarentur.

Paries ergo non incubuit columnis, quę certe ei ferendo non sunt. Mihi omnino videtur, intra septum columnarum *A D F C* stetitisse parietem *a b d c*, qui distaret a columnarum basibus, quantum ipsę bases inter se distant, idest pedes sex; ut ambulatio fuerit circa Mausolei Cellam sub Porticu; neque enim adhærere columnis paries recte potest, quando anguli *A, D, F, C*, a columnis obsidentur.

Quod si columnis podium placeat imponere, quod summam trabeationem finiat, non repugno. Id ratio exigit, licet non sit verbis Plinii comprehensum.

Et hæc Plinio est inferior Mausolei altitudo, cubitorum 25, cui primam Zonam Porticus facit, secundã interior paries superextas ad pedes 21 cū besse. Et hîc desinūt fornices Cellę.

Sequitur deinde Pteron pro tertia Zona. Falluntur quicunque Pteron prima altitudine

ne

ne concludi putant: quos manifeste Plinii calculus rejicit; cū enim prima ædificii altitudo fuerit pedum 50, Pyramidisque par elevatio, reliqui 40 erunt tribuendi soli Quadrigæ. Quod est ineptum. Præterea hæc omnia Plinius satis aperte distinguit, qui ubi primæ altitudini tribuisset 25 cubitos, tum de Ptero meminit, nulla prodita mensura: progreditur deinde ad Pyramidem, quam pariter 25 cubitorum facit: mentionem tandem injicit Quadrigæ, nulla etiam dimensione apposita. Sed quæ & Pteri, & Quadrigæ altitudo fuerit, docet, ubi totum ædificium pedes 140 æquasse testatur. Stet ergo pedes reliquos 40 inter duo hæc membra tribui debere. Quadriga sibi 20 vindicat, ut dicam: quare totidem relinquentur Ptero. Id & symmetria poscit, ut ex quatuor partibus, sicut est æqualis prima tertiæ, ita sit secunda quartæ. Quod in his rebus magnum est argumentum, si non maximum.

Hæc ultima Mausolei Zona, undique patens, & pervia, solis columnis erat distincta; nam *Pteri* nomen ad columnas refertur, ut argumento esse possunt verba Architecto-

rum illa, *Monopteros, Dipteros*, & hujus generis alia. Non in unis modò lateribus, sed per totam areæ capacitatem surgebant columnæ, quæ multiplici discursu varias Porticus efficientes, opere fornicato Pyramidem substinebant, ut extorquent hæc veteris Poëtæ carmina.

*Ære nec vacuo pendentia Mausolea
Laudibus immodicis Cares in astra ferāt.*

Hic *Mausolea* sunt, ut quisque videt, suprema Mausolei pars, idest Pyramis. Eam *pendere* ait. Quod verbum Architectonicum est. Dicitur de ædificiis, quæ concameratione substinentur, ut *balnea pensiles, urbs pensilis* Plinii. Ita ipsi fornices *suspendere* dicuntur ea, quæ superstructa sunt. *Suspensuras caldariorum* habes apud Vitruvium. *Suspensuras cellarum*, & *cuniculis pavimenta suspendere* apud Palladium.

Pteri nomen huic Zonæ etiam ex eo convenit, quòd suprema sit; nam quidquid extremum est, *Pteron* quandoque dicitur: quare moles ædificiorum extra murum Ægyptii Labyrinthi, *Pteron* Alexandrini vocabāt, ut Plinius

memorat. Sed prior explicatio longe aptior, & verior.

Dispositionem; & numerum columnarum in lateribus Pteri, quanquam id nihil conducat ad Plinium intelligendum, qui de illis privatim non meminit, quia tamen inde totius ædificii ratio magis, magisque inclarescit, hîc ne quid intentatum relinquamus, investigare alienum non est.

In Ichnographia B, area Cellæ a b d c ad altitudinem pedum 50, ubi Pteron incipit, ob acclivitatem, & contracturam parietum decrescit. Aptè decrescet quoquo versus sesquipedem, ut latus a b evadat pedum 45: frons b d pedum 32 semis.

Jam si libeat, in his columnas collocare ad Pteron efformandum, valde laborandum non est; nam latus capiet columnas 3, quarum centra distent spatio pedum senum. Ita colliges pedes 42; relicto pro angularibus columnis forinsecus hinc inde sesquipede, ne bases extra solidum procurrant.

Pari ratione tres pedes eximemus e longitudine frontis, in qua ita disponentur columnæ 14, ut ad latera senæ sint, in medio spatio duæ.

Ex his pronum est intelligere, Pteron fuisse in genere ædificii Pycnostyli, ut superimpositum Pyramidis onus exseipere, & ferre posset: ob quam etiam causam electæ fuere columnæ iis breviores, quæ erant in Porticu primæ Zonæ; non enim excedunt cum fornicibus altitudinem pedum 20.

Supra Pteron ergo quiescebat Pyramis, quæ Mausoli sepulcro imposita est more Ægyptio; in eo enim opere excitando Artemisia cum Ægyptiis magnificentia certavit, vicit elegantia, & subtilitate artis. Surgebat & ipsa, ut inferior altitudo, ad cubitos 25, gradibus 24 distincta, ut cuiusque gradus crassitudini cesserint supra unciam, pedes duo. Et id ad imitationem Pyramidum Ægyptiarum, in quibus lapides ita commissi sunt, & apti, ut ascensum usque ad summam planitiem præbeant: durum tamen illum, & difficilem, ob nimiam graduum crassitiem, & retractionem ita brevem, ut vix consisti vestigio possit. Exemplum exhibet Serlius.

Commentū viri docti, qui nuper Pliniū illustravit, de duplici Pyramide, quarum una inferior, 25 cubitos alta, inclusa colūnis surgētibus

ad

ad pedes minimū 60 : altera superior his colū-
nis innixa, æqualis primæ; nihil moror. Nec eò
ducunt verba Plinii, *Pyramis altitudine infe-
riorē æquavit*, quæ aliud omnino sibi volunt;
sūt enim referenda non ad ullā Pyramidē, cu-
jus nulla in antecedentibus mentio : sed ad al-
titudinem inferiorem, expressam in illis : *At-
tollitur in altitudinem 25 cubitis*. Alii Codi-
ces clarius habent : *Pyramis altitudinem in-
feriorem æquavit*. Denique nihil certius, quā
a Plinio nō nisi exteriorē operis faciē describi.

Pyramis paulatim sursum versum decre-
scens in summo velut abrupta, diffundebatur,
& patefcebat in campum. Non enim desi-
nebat in fastigium A, sed tollens se a centro B
usq; ad O pedes 50, secta erat parallelogrammo
altera parte lōgiore EI, quod undiq; & que dista-
bat a basi Pyramidis T C. Latera E F, F I
hujusce plani quā facillima investigatu sunt.

Esto perpendiculum A B æquale lateri ma-
jori basis T D, idest pedum 81 semis, seu du-
plum ipsius B S. Et ab ipso A B auferatur B O
pedum 50, remanebit A O duplum O G, seu
æquale E F, pedum 31 semis.

Rursus ut A B pedum 81 semis ad B K 22,
di-

Ed è etiam pertinent naves , quas aliquando sepulcris appositas scimus . Ecce Simeon Thasfi in Mausoleo, ad omnem memoriam illustri, quod prope a Diospoli excitavit , navem singulis Pyramidibus adjecit . Describitur a Josepho . Trimalcio apud Petronium . *Te rogo, ut naves etiam monumenti mei facias plenis velis euntes .* Quasi non alius nos portus excipiat , quàm sepulcrum .

Ipsa areæ latitudo pedum 17 ; argumento est , membra Quadrigæ in duplum fuisse aucta, ut longo intervallo extenuata, justam magnitudinem oculis spectantium objicerent . Equi cursoris crassitudo cum sit pedibus duobus minor , constat pedes $8\frac{1}{2}$ apte tribui quatuor equis , relicto justo spatio tam pro mediis equis jugalibus, quàm pro extremis funariis. Ergo qui assignat ipsis pedes 17, auget in duplum .

At areæ longitudinem pedum 31 semis, nō totam equi, & currus explebant ; nam concertantium currus brevissimus erat, duabus tantum rotis delatus , cui duplicato non nisi pedes quinque deberi possunt , ut alii 15 cum semisse equis , & ipsis in duplum auctis . Et ita
ante,

ante, & pōne relictī in area quini pedes cum semisse puri ad Stadii longitudinem designandam, tāquā Quadriga in medio spatio esset, relictis hinc carceribus, illinc provolās ad metas.

Sed jam ad se nos vocat Agitator, qui in curru erectus, & imminens equis animos addebat, ut repræsentatur in nummis Neronis, & Severi, & in eo, quem Crotoniatæ in Trajani honorem cuderunt. Is, si eandem proportionem servamus, ingrandescebat ad pedes 12, quando sex pedum justa hominis magnitudo est, Vegetio teste. Cui si octo pedes currus altitudo duplicata addidit, jam tota Mausolei moles fuerit alta pedes 140, ut Plinius habet. Nihil est ergo causæ, cur Dalecāpius numeros Plinianos corruptos causetur.

In hac tota Mausolei structura nihil esse arbitror, quod Architecti non commendent; nisi forte aliquem offendat ostium in majori latere situm. Quod, opinor, in causa fuit, ut in Plinio hodie legatur, *brevius a frontibus*. Huic difficultati certius respondere possemus, si nobis auctores membra, & opera, quæ intus in Cella extabant, nota facere voluissent. Certe causam aliquam inveniremus non dissi-

diffimilem ei, quæ veteres Architectos impu-
lit, ut & in Gymnafio oftium in latere majori
aperirent. Nunc in tanto eorum fílentio dif-
ficilis divinatio eft. Quid, fi per Cellæ fpatia
duo fepulcra difpofita credamus, unum Mau-
fólo, alterum Artemifíæ? quando & viven-
tes fíbi monumenta extruebant, heredum of-
ficia præfumentes. Unde in veteribus fepul-
crorum lapidibus frequenter illa occurrunt,
V. S. id eft, *vivo fíbi*. Et in Oriente de Afa,
Sobna, & Joſepho Arimathæenſi notum eft,
ut de aliis fíleam. Si ita, inquam, credamus,
quid aptius, quàm oftium in majori latere
collocare, ut ingredientiſ Cellam, ftatim
alterum ad dexteram, alterum ad finiftram
haberent? Artemifíæ etiam amor perfua-
det, ut non alibi quieſcere voluerit, quàm
ubi mariti fepulcrum ſpectaretur. Sed hæc
diffinire periculofum eft; nec eò dico, ut
quidquam affirmem, fed ut intelligamus
non deefſe cauſas, ob quas oftium a latere
minori in majus transferri non modò de-
cens, fed propemodum neceſſarium fit.

Et hæc pro Plinii quæſtione diſſolvenda,
dicere habuimus de Mauſoleo, quod om-

H

nium

nium artificum oculos tenuit , & de cujus
symmetris commentaria reliquere Archite-
cti in primis nobiles , Satyrus , & Pytheus, ut
Vitruvius libri 7. procemio memorat: quæ si
extarent , nostra hac dissertatione nihil fuisset
opus . Cetera de Mausoleo in tanta notitia
ingerere, & inculcare vanum esset .





DE HARMONIA TIMÆICA.



Timæi physiologiam, quæ superata temporum invidia, integra ad nos pervenit, tanti Plato fecit, ut in eam veluti commentarium dictare non sit dedignatus. Et plane dixerim, nihil æque gloriam Platoni conciliasse, quàm quæ in Timæo habet, non hausta, ut quidam e veteribus falsò opinati sunt, de libris postumis Philolai Crotoniatæ; sed, ut res ipsa loquitur, e libello Timæi Locri, qui Dorice inscribitur, *περί ψυχᾶς κόσμου, ἡ φύσις*. Hic & Mundi Harmoniam, & Ideas, & quinque Geometrarum Homogenea corpora, & Circumpulsionem, & alia reperire est, quæ vulgò Platoni tribuuntur, Non ne-

gaverim, plurima in Timæo perobscura, apud Platonem luce donari, quæque silente eo, vereor ut ab alio quoquam potuerint deprehendi: hæc tamen ipsa a viva voce Timæi accepta nobiscum Platonem communicasse credere par est, quando ut ejus non modò os intueri, & sermonem audire, verùm etiam ut penitus perspicere intimos animi sensus posset, Locros Epizephyrios contendit, id quod a Cicerone proditum est libro 5 de Finibus: *Cur Plato, inquit, Ægyptum peragravit, ut a Sacerdotibus barbaris Numeros, & Cælestia acciperet? Cur post Tarentum ad Architam? Cur ad ceteros Pythagoreos, Echecratem, Timaum, Acrionem Locros?* Etsi autem in eo libello de Univerſa Natura Timæus inquirat, & pertractet, nos tamen in præſens nihil ferme de rebus phyſicis erimus ſolicitati, contenti eam ſolùm partem in manus ſumere, quæ ad Matheſim pertinet, & Mundi Harmoniam continet. Ea non eſt, quæ facta ſit ex colluſu, & attritu Orbium Cœleſtium, de qua nunquam Timæus cogitavit, & poſteriorum temporum commentum fuit; ſed quæ ex ſolis numeris conſtet, quæque non
ſen-

sensus ullos, sed solam mentem demulceat. Contemplatus Timæus perfectum, ratumque Mundi ordinem, in eam sententiam prolapsus est, ut crederet, a Deo Mundum non, nisi Geometricis, & Arithmeticis proportionibus creatum, quæ simul unitæ perfectam Harmoniam in numeris concinnarent. Nos an Mundus ita conformatus sit, ut Timæus opinatur, nihil statuimus, ea omni inquisitione peritioribus permissa. Quæ tamen de Harmonia tradit, ut subtilissimum Mathesis opus, explanare aggrediemur.

Etsi autem hic de Timæo potissimum agatur, quia tamen ipse rem paucis absolvit, ideo nos circa ipsa uberiora Platonis verba, ut sunt a Cicerone versa, & in quibus tantopere hætenus insudatum est, hærebimus.

Deus itaque ad Harmoniam Mundi componendam, *Unam principio partem detraxit ex Toto*, ut Plato ait. *Quale istuc Totum?* Aliorum sententias hac in re audire, est bonas horas perdere. *Totum* hic non est, nisi ea Numerorum summa, quam Deus ad Mundi Harmoniam selegit. Ex ea utique hæc prima omnium pars decerpta est. Quid moror? *To-*

tum

tum est numerus 114695 ; quippe ex totidem unitatibus Harmonia Mundi constat : & ex hoc propterea Deus primam partem accepit. Timæus clariorem etiam faciem accēdit , cū quæ prima hæc pars fuerit, declarat. *μὴν ἀφαιρίων* (ὁ θεὸς) τὰν πρῶταν μονάδων ἦσαν τετάρων ποτὶ ὀκτώδεκάσι & τρισὶν ἑκατοντάσι. *Unam auferens Deus primam partem, quæ sit 384.* Hoc est, istum ipsum numerum primò accepit, qui esset totius fabricæ veluti primò jactus lapis .

Nam ita Plato pergit. *Secundam autem primæ partis duplam : deinde tertiam, quæ esset secundæ sesquialtera, primæ tripla : deinde quartam, quæ secundæ dupla esset: quintam inde, quæ tertiæ tripla: tum sextam octuplam primæ: postremò septimam, quæ septem & viginti partibus antecederet primæ.* Dubium esse non potest, quin Geometricas numerorum Progressiones in his Plato insinuet. Ponit ob oculos duas, alterā proportionis duplę, alteram triplę, quæ ab uno præ aliis selecto numero exorsæ, & in geminos veluti rivos deductæ, hinc inde ad Latera profluunt, tum ad Quadrata, tandem ad Cubos. Statue pro primo termino unitatem, hinc ad duo, illinc ad tria

tria progrediari, quæ prima *Lateras* sunt. Tum ad quatuor, & novem, prima *Quadrata*. Demum ad octo, & ad vigintiseptem, qui *Cubi* in numeris occurrunt primi.


Si nihil præterea requireretur, confectares esset; sed quando ad absolutissimam Harmoniam numeri, qui simul Geometricam, simul Arithmeticam proportionem necitant, eligendi sunt; ideo non hîc hærendum, ut inepte vulgò fit, sed vestigandum ulterius est, qui numerus pro primo termino, ac tanquam reliquorum fonte statuendus sit, qui que Unitatis vicem gerat, ut ipsi ea Latera, & Quadrata, eos Cubos demus, qui deinde Symphoniarum seu tonis, seu limmatis capaces inveniantur: præterea quo ordine sint collocandi, uno ne versu omnes, an in quinque?

Et Crantor quidem Solensis, unus ex multis, qui in hoc curriculo sudarunt, recte non alium in primo loco statui oportere numerum voluit, quàm illum ipsum jam indicatum 384. Ergo veritatem odoravit, sed odoravit tantùm; nam cùm deinde reliquos, de quibus hîc agitur, numeros duplici serie

in

in quincuncem disponit, omnia corrumpit,
operamque lufit. Eum fequutus fertur Eu-
doxus.


Diagramma Crantoris.



384
768 1152
1536 3456
3072 10368.

His verò numeris, quæ porrò in Platone
fequuntur, nec ulla ex parte aptat, nec fi ten-
tes, pro voto succedet. Ordo eft, qui obftat.
Neque enim fides Plutarcho habenda eft,
qui putat iis, quæ a Platone dicuntur, om-
nia melius refpondere, fi pro primo nume-
ro, dimidium ejus, quem Crantor ftatuit, po-
namus, hoc eft, 192.

Diagramma Plutarchi.



192
384 576
768 1728
1536 5184.
Quid

Quid Plutarchum deceiverit, suo loco videbimus. Interim certum sit, primam a Deo detractam ex Toto partem, esse ipsum numerum 384. Quo enim potius utemur aut auctore, aut teste, quàm Timæo, cujus etiam verba suprâ recitavimus? Hunc & nos capiamus: ei duplum demus, & cetera ordine peragamus, quæ Plato Deum emoluitum tuisse ait. Et omnia erunt in proclivi, ita si hos omnes uno versu numeros collocemus: quod scimus Theodorum, & ipsum Solensem, fecisse: sed a quo potissimum numero fuerit exorsus, nescimus. Sed senserit, ut libet, Theodorus; quid ab eo boni præstari poterit, non video, qui hanc totam rem posteris adeo dubiam, & involutam reliquit. Satis sit, ordinem, quem statuimus, comprobatum iri cùm ex eo, quòd ipsi pulchre respondent quæcumque Plato de Harmonia Mundi tradidit, tum præsertim, quòd non alium sibi ratio poscit. Nunc rem ipsam damus: qua verò ratione quidque factum sit, deinceps quaeremus.

*Diagramma Platicum Principum
Numerorum.*

I. Prima pars ex Toto	384.
II. Dupla primæ	768.
III. Sesquialtera secūde, Tripla primæ	1152.
IV. Dupla secundæ	1536.
V. Octupla primæ	3072.
VI. Tripla tertiæ	3456.
VII. Vigintiseptupla primæ	10368.

Quod si omnes terminos cum Timæo ad primum referre libeat, etiam omnes eidem multiplices deprehendemus; nam Quartus est primi quadruplus: Sextus verò nonuplus. Nihilominus a Diagrammate Platonis non deflectemus; eo enim ex oculis sublato, ad sequentia nullus patebit aditus.

Ea verò sic habent. *Deinde instituit dupla, & tripla intervalla explere, partes rursus ex Toto defecans: quas intervallis ita locabat, ut in singulis essent binæ Medietates. Earum alteram eadem parte præstantem extremis, eademque superatam: alteram pa-*
ri

ri numero præstantem extremis, parique numero superatam. Hactenus velut in luce fuimus, nunc sese tenebræ magis, magisque intendere occipiunt, in quibus quantopere cœcutierit antiquitas, nihil attinet dicere: hoc modò satis sit, neminem ex omnibus unum, vel proxime scopum collineasse. Nobis rectam semel viam ingressis hæc sponte occurrunt, & ipsa se extricant. Scilicet hoc est alterum Dei in digerendis Harmoniæ numeris opus, qui alteros itidem numeros ex Toto, idest ex 114695, decerpfit, quos πληρώματα, *Implements*, Timæus vocat, quibus, ut exponit Plato, dupla, & tripla intervalla Deus replevit, suntque quasi spinæ impactæ costæ. Hæc intervalla in Platonico Diagrammate reperire est in II, III, IV, & VI linea. Eas in hunc modum impleas licet.



*Diagramma Principum Numerorum cum Implementis
in duplis, & triplicis intervallis.*

I Prima Pars	384.				
II Dupla primæ	768.	864.	972.*	1024.	
III Tripla primæ	1152.	1296.	1458.*		
IV Dupla secundæ	1536.	1728.	1944.*	2048.	2304.
V Octupla primæ	3072.				
VI Tripla tertiæ	3456.	3888.	4374.*	4608.	5184.
VII Vigintiſcupla primæ	10368.				

(7776. 8748.* 9216.

Tres

Tres lineas cavas hic Plato reliquit. Primam, ubi prima ex Toto portio, quam tamen mox implebit: Quintam, quam implere non est, cum ipsū 3072 statim in sesquioctava ratione numerus 3456 excipiat: & Septimam, ubi vigintiseptupla primæ, de qua deinceps disputabimus. Ceteras verò implevit, non ut fors tulit, sed certa, rataque ratione; nam binis necestuntur Medietatibus, quasi vinculis, Implementa singula, & ipsa inter sese, & cum Principibus numeris.

Prior Medietas est, in qua positis tribus terminis, qua parte medius excedit alterum extremorum, eadem vicissim ab altero superatur. Et est hęc in numeris lateralibus, qui in sesquioctava ratione sunt, ut Musicum Tonum efficiant. Ita in his 768. 864. 972. medius numerus superat præeuntem octava parte, & superatur a subsequenti parte itidem octava. Hęc aliis est *Analogia*, & *Geometrica Proportio*, Platoni *Prima Medietas*, μεσότης πρώτη.

Eam ne quæras inter numeros, seu terminos, ubi stellulam apposuimus; nam qui præit numerus octava destituitur parte, prorsus ut
qui

qui subsequitur, sesquioctavus illi nequeat esse. Magnum tamen in iis latet arcanum, Musicę proprium: nam proximi bini Limma constituunt; majorque ad minorem se habet, ut 256 ad 243, quæ est ratio Limmatis. Idque quàm facillime deprehendes, eorundem terminorum multiplices pervestigando. Ne tamen quis erret, numerus 1944 habet octavam partem: sed ejus sesquioctavus 2187, non est, ut oportet, duplus numeri 1024, in secunda linea: idcirco eo relicto, ad rationem Limmatis itum est, & stellula notavimus.

Alter Medietas est, in qua tribus etiam positis terminis, medius pari numero extremum unum superat, pari superatur ab altero: quam hîc reperies descendendo a summo ad imum. Ecce in his terminis, me-

864)	dius numerus quot partibus ex-
1296)	cedit superiorem, totidem de-
1728)	ficit ab inferiori.

Hæc aliis *Proportio*, & *Medietas Arithmetica* audit, Platoni μεσότης δευτέρα. Ita singuli fere numeri binis Medietatibus colligantur.

Nihil tamen necesse est, ut numeri rectà

al-

alter sub altero sint; hi enim

1024) 1728) 2916

1536) 3456) 5832

2048) 5184) 8748

quamvis disparibus sedibus collocati, Arithmetica Medietate non destituuntur. Idipsum de reliquis dictum esto; ita verò si seponas eos, quicumque hìc proximos multiplices, aut certe proximos submultiplices non habent. Facile studiosi intelligere poterunt quid velim. Ista in Platone obscura, & implicata adeo videbantur, ut viri magni ingenio suo diffusi, assequi se posse desperaverint: nunc, quia deprehensa sunt, quisque tantundem se præstare potuisse jactabit.

Est præterea tertia Medietas, Harmonica, quam hìc perperam obtrudunt, qui Platonem magno errore de Harmonica, & Arithmetica Medietate loquutum opinantur.

Supererat prima linea, suis hætenus destituta numeris, & mutila: ei denique Deus manus admovit: *Sesquialteris autem intervallis* (ut Plato ait) *et sesquiterciis et sesquioctavis sumptis, ex his colligationibus in primis intervallis, sesquioctavo intervallo, sesqui-*

sesquitertia omnia explebat, cum Particula singulorum relinqueret. Prima interval-
la intelligit, quæ sunt in prima omnium li-
nea, cujus caput est numerus 384, præ om-
nibus a Platonico Deo ad hanc fabricam se-
lectus. Huic sex alios terminos ad latus ad-
junxit, ut omnes sint numero septem. Ta-
les autem summus Opifex accepit, qui es-
sent inter se alii sesquioctavi, quidam ses-
quitertii, nonnulli rationem haberent ses-
quialteram. Nulla verba hæc explicabunt,
ut sequens Diagramma.



Dubium habet, cur Plato Deum sesquio-
ctavo intervallo sesquitertia omnia exple-
se dicat, nulla de sesquialtero mentione ha-
bita. Non audiverim Plutarchum, dum id
fa-

factum contendit, quia sesquialtera ratio componi dicatur ex sesquitertia, & sesquioctava, ex quarum quantitibus inter se ductis illius quantitas gignitur. Verum id quidem est, sed hic locum invenire non potest. Nos ita opinamur. Ad primum numerum, 384 promptum est, sesquioctava ratione duce, alios duos ad latus adjungere, 432, & 486. Tum necessario hærendum est, cum postremus hic octava careat parte: quare aliò te veritas oportet, nimirum ad rationem sesquitertiam, quæ numerum 512, primi illius sesquitertium, statim promet. Tres sunt reliqui numeri 576. 648. 729, quorum priores duos cum sesquitertia, tum sesquialtera ratione indagare possumus: ultimum verò tantum sesquialtera, ut in Diagrammate vides. At quia ad ipsos vestigandos sesquioctava ratio est satis, propterea de sesquialtera Plato nihil meminit.

Testatur verò, cum hos Deus numeros decerneret, majores singulos futuros fuisse, nisi a singulis Deus particulam abjecisset. Sed ipsum audiamus. *Ejus autem Particulæ, inquit, intervallo relicto, habebat numerus ad numerum eandem proportionem, comparatio-*

nemque in extremis,quam habent 256 cum 243. Atque ita Permiftum illud, ex quo hac fecuit, jam omne conſumpſerat. Quod *Permiftum* nobis, quas *Particulas*, quas nobis *tricas* narrat? Brevibus expediam. Quid eſt enim aliud *Permiftum*, niſi ſumma 114695? quæ prius *Totum* dicta eſt, & ex qua rerum ille *Parens* & *Cōditor* hauſerat numeros *Principes*, & prima *Implementa*, ſed eandem non exhauſerat; reliqui enim erant 11714. Hanc reliquam ſummam in ſex *Deus* numeros tribuit, quos tamen integros ſubinde non accepit, ſed diminutos, ut in hos evaderent, 432. 486.* 512. 576. 648. 729*: & per intervalla primæ lineæ digeſſit, ut videmus. At ex *Particulis*, quas de ſingulis hiſce veluti delibavit, duos conſlavit numeros, qui ſunt 2187, 6144. Itaque *Permiftum* illud, ſeu *Totum* exhauſtum demum eſt.

Hos verò numeros, inter collocandum, id attendit unice, ut iis potiffimùm *Implementorum* numeris adjungeret, quibuſcum rationem *Limmat* haberent, quando hæc ad *Harmoniam* tendebant omnia. Nam ad 2187 numerus 2304 (qui extat in quarta linea) ſe-

ha-

habet, ut 256 ad 243:quam eandem rationem
habet 6144 ad 5832, quem in sexta linea repe-
ries. Illi quippe sunt nonupli suorum termino-
rum: hi verò vigintiquadrupli. Hæc Limma-
ta vocantur *Apotomæ*. Atque in eum deni-
que modum Mundi Harmonia, numeris ad
numeros apte adnexis, absoluta est.

Sed quæ hæctenus sparsim, & quasi per
membra tradidimus, suis tandem articulis se-
quens Diagramma committet.



Diagramma Harmonie Mundi, ex Timaeo.

I Prima linea	384.	432.	486.	512.	576.	648.	729.	Limma
II Dupla prima	768.	864.	972.	1024.				Limma
III Tripla	1152.	1296.	1458.					Limma
IV Quadrupla	1536.	1728.	1944.	2048.	2304.	2592.	2916.	Limma
V Octupla	3072.			2187.				Apotome
					Apotome			Apotome
VI Nonupla	3456.	3888.	4374.	4608.	5184.	5832.	6561.	6144
VII Viginificupla	10368.							Limma

Jam hosce Numeros in unam Lineam explicata, quæ sit X, & momēto aperiet se tibi omnis Pythagoreorum Musica, quam oculis audias. Esto Cithara quatuor instructa chordis, quarum extremis duo Numeri ex Linea sumpti adscribantur, 384, 512, singuli singulis. Prior detur primæ chordæ omnium gravissimæ: posterior ultimæ, quæ acutissima est. Jam illud Musicæ Intervallum habebimus, quod *Diateffaron* dicitur; sunt enim hi numeri in ea ratione, qua 4 ad 3, quamque in eo Intervallo latere Pythagoras deprehendit via, ac ratione vulgò notissima. Exploremus modò, qui toni, sive integri, sive diminuti interjiciantur. Itaque gravior vox tono intendatur in secunda chorda, ubi ea propter erit 432; nā ut tonus est in sesquioctava ratione, ita numerus 432 est sesquioctavus numeri 384 primæ chordæ. Rursus hanc vocem tono attolle in tertia chorda, & fiet 486, qui pariter præeuntis 432 est sesquioctavus. Quid reliquum sit, jam vides: quippe terminus tertiæ chordæ 486 octava parte destituitur, ideo nec tono acui potest: eumque proxime excipit terminus postremæ chordæ, qui est 512, quique ad prio-

priorem illum 486 se habet, ut 256 ad 243. Hanc vocem tono minorem, λεῖμμα Pythagorei appellarunt, quasi *residuum*, aut *defectum*, dixeris. Et in eum modum in nostra Linea primi quatuor termini, seu numeri, 384. 432. 486. 512, id διασπῆμα conficiunt, quod est Diatessaron, duobus aptum tonis, & limmate.

Potest id Intervallum minoribus numeris exprimi, & ecce ipsos, 192. 216. 243.* 256. Nam extremi numeri sunt in sesquitertia ratione: habes tum ex mediis tonos duos: habes tandem limma. Et hi sunt termini omnium minimi, quibus Diatessaron in suas partes distinctum exprimi possit. Nam si 8 pro termino statuas, & numeros deinde seligas in Progressione Geometrica, dupla verò ratione, usque eò dum in ipsum 192 incidas, verum esse id, quod posuimus, deprehendes: utique duo tantum ex ipsis omnibus numeri, quadratus 64, & ejus duplus 128, binos singuli dabunt tonos, reliqui unum. Ipse verò 192, triplus, duos quoque dabit. Sed illud interest, quod numeri 64, & 128 inepti ad Diatessaron sunt, cum neuter sesquitertium habeat: habet verò ipse 192. Hæc de numeris integris intelligi de-

debere, vident omnes.

Si ita est, cur Timæus suam inde Harmoniam exorsus non est? maxime cùm Plutarcho indidem initium petere visum sit. Causam ei rei dicam. Statue hos numeros, 192. 216. 243.* 256. 288. 324.* hærebis, nec ultra tibi progredi dabitur: quandoquidem nullum invenire est numerum, qui ad ultimum terminum 324 habeat eam rationem, quàm 256 habet ad antecedentem 243. Opus ergo fuit Timæo, ne ita hæreret, ut duplum ejus, idest 384, pro primo Harmoniæ termino eligeret, non quòd ita libuerit, sed lege Naturæ adigente. Ecce tibi arcanum nostris Musicis hactenus incompertum; nam statuto, & fixo semel Tono in sesquioctava ratione, non aliud Numeri Harmonici caput habere possunt, quàm quod Timæus felicissime comperit: qui propterea inde a Deo Harmoniam, qua Mundum exornabat, inchoatam perhibet.

Jam adde quintam Citharæ chordam, quæ tono adhuc attollatur. Ei non alius adscribi potest numerus, quàm 576, qui unus sesquioctavus est 512, numeri quartæ chordæ. Et Intervallum Diapente progignetur, quod
se

se habet, ut 576 ad 384, hoc est, ut 3 ad 2: constatque, ut vides, tribus tonis, & limmate.

In reliquis Intervallis venandis nihil est negotii. Nam Diapason ex Diapente, & Diatessaron aptatur, ut dupla ratio ex sesquialtera, & sesquitertia. Ergo quinque tonos habebit, & duo limmata. Diapason & diapente, & Disdiapason ipsa se suis nominibus produnt, & ex quibus constituentur, ostendunt. Quare illud octo stabit tonis, & limmatis tribus: istud tonis decem, & limmatis quatuor. Sic jam omnia in numerato erunt. Nam primum Numerum 384 si omnibus communem terminum ponas, jam inde ad quartum usque est Diatessaron: ad quintum, Diapente: ad octavum, Diapason: ad duodecimum, Diapason & diapente: ad decimumquintum, qui est quadruplus primi, Disdiapason. Singula suis tonis, & limmatis exornata, ut in Linea exacte expressum vides. De numeris, qui reliqui sunt, deinceps disputabimus.

Alienum non est circa Toni divisionem, tantisper immorari, in qua ab Harmonicis Pythagoreorum Scholas dissensisse auctor est Plutarchus. Falsi sunt, qui quod Pythagoreis
Lim-

Limma, id Harmonicis fuisse Hemitonium, suspicantur. Nunquam eos hæcenus desipuisse crediderim, cum longe alia sit unius, atque alterius ratio. Aperiemus nos quam maxime viam veteres Harmonici ad Toni divisionem peruestigandam sint ingressi. Quoniam minimi numeri, qui sesquioctavâ rationem exprimunt, 9 & 8 nullum habent in medio intervallum, istos ipsos auctum ivere, & duplicarunt, ut essent 18, & 16. His inter se ductis, conflatur rectangulum 288, quod unitate addita evadit quadratum, cujus radix, seu latus est numerus 17, qui propterea dictus est Tonum bifariam findere: non quòd is vere medius sit proportionem numerus, sed quòd ad eum proxime accedat. Hinc sibi licere putarunt Harmonici partes, in quas ipsi Tonum partiuntur, *ὀλοχερῶς* *Hemitonia* appellare.

Quod si ad minutiores Toni divisiones, idest ad Dieses, progredi libeat, expedita ratio est. Diesis in Genere Chromatico est tertia pars Toni: in Enarmonico, quarta. Itaque triplica terminos Toni minimos, ut habeas 27, & 24: & duo, qui interjiciuntur, numeri, Tonum trifariam dividunt, dabunt-

que suas Chromatico Generi Dieses . Quippe in his numeris rectangulum extremorū duabus tantummodò unitatibus ab intermediorum rectangulo deficit . Eosdem minimos Toni terminos quadruplica in hos, 36, & 32: & tres medii numeri in partes quatuor Tonum dispartiētes, Dieses Enarmonico Generi comparabunt . Nec tamen rectangulum extremorum æquat, ut foret opus, illud, quod a secundo, & quarto numero fit, uti nec istud assequitur quadratum medii . Sed non nimis absunt : ideo si chordis reddantur , exiguum, quod inest, discrimen non apparebit, & aures facile sibi imponi patientur .

At Pythagorei Geometriæ innutriti, totam hanc Harmonicorum Musicam respuerunt; quid enim turpius Geometriæ , quàm medios numeros , ut proportionē medios usurpare ? Itaque eam aliam amplexi sunt , quàm hæcenus exposuimus. Neq; sibi persuadeat quis, hæc ad nostram Musicam, qua ferme ex Ptolemæo utimur, nihil pertinere: imò ita conferunt , ut nihil magis, & facillime ad eam transferuntur, arrepto ipso 384 pro Numerorum principio . Nobis non omnia, quæ dici possent, hîc enar-

rare vacat. Satis erit digitum ad fontem intendisse. Proponemus Symphonias compositas solum ex Tono majori, & minori, quorum prior se habet, ut 9 ad 8, posterior ut 10 ad 9. His addemus Hemitonium, ut appellant, majus, quod eam rationem habet, quam 16 ad 15. Et ecce tibi Symphonias quinque suis distinctas sonis, seu *φθόγους*, spatiis, tonis, & hemitonis.







Quod si libeat in his Comma venari, quod est inter Tonum majorem, minoremque discrimen, & se habet, ut 81 ad 80, id prompte fiet, si conferas Lineam Pythagoreorū X eum Linea superiori Harmonicorum: & comperies in illa 432. 486. conficere Tonum majorem: in hac 432. 480. dare Tonum minorem: quocirca ratio 486 ad 480, est Comma. Sed hæc hæctenus.

De Apotomis videamus. Non enim pro arbitrio in Harmoniam Mundi vocatæ ipsæ a Timæo sunt, sed necessitate quadam assutæ. Proponas tibi primum, minimumque Limmata 256. 243. & utriusque termini multiplices quære per numeros in serie naturali a binario exordiendo; prorsus fiet, ut in novem omnino Limmata incidas, quæ hic ambos deinceps terminos, majorem, minoremque in Linea habent: alia præterea duo nancisceris, quæ unum tantummodò terminum in Linea obtinent: & sunt 2304. 2187, nonuplum: & 5832. 6144. vigintiquadruplum primi. Quare & ea hic inferere fuit opus, ita ut alter terminus a Linea, quæ eum non capit, resileret: ex quo hæc Limmata, ἀποτομαὶ audiunt, quasi *abscissiones*.

nes . Quantas nugas effuderint hi ex nostris Musicis , qui ut ceteris peritiores viderentur, de Limmate , & Apotome scripserunt , piget referre .

Cur verò ultra numerum , qui primi vigintiseptuplus est, non processerit Timæus, ut facere quidem poterat, sed in eo hæserit, & terminum fixerit , in causa est, quòd Geometricæ Progressiones, de quibus in principio dictum est , violandæ non erant .

Sic se habent numeri , quibus Mundi Harmonia componitur , quæ tota decem unitatibus in quatuor coalescentibus numeros comprehenditur . Hoc nimirum est, quod sibi voluit celebre illud Pythagoreorum jusjurandum.

ὦ μὰ τὸν ἀμετέριον ψυχῆ παραδόντα τετρακτὺν ,
παγὰρ αἰνῶς φύσις , βίβωμα ἴ' ἔχοισιν .

*Juro per quem Anima datus ille Quaternio nostra ,
Natura servans fontemque , ortumque perennis .*

Nam quinque Musica Intervalla in Quaternione isto insunt : quippe duo ad unum est Diapason, tria ad unum Diapasonkēdiapente,

te, quatuor ad unum Disdiapason, tria ad



duo Diapente, quatuor ad tria Diateffaron. Ex tot non amplius Intervallis Systema Musicum olim constabat. Imò verò Pythagoras judicavit intra Diapason consistere Musicam debere, si teste Plutarcho stamus in libello de Musica. Unde conjectari quispiam posset, Mundi Harmoniam non tam longe a Pythagora promotam, quàm a Timæo factum est; nam Diapason ultra octavum Lineæ terminum non excurrit, qui est primi duplus: complectitur verò & Diateffaron, & Diapente. Etsi interim non immeritò suspicemur, quæ de Pythagora traduntur, ea nō semper, qua par est, fide commemorari. Certe Pythagoræ Quaternio & Disdiapason, & Diapasonkadiapente comprehendit. Quia verò Harmoniam Mundi in nostro etiam
ani-

animo inesse Pythagoras censebat ; hinc Quaternio dicitur $\pi\eta\rho\eta \ \& \ \pi\iota\tau\alpha \ \alpha\iota\omega\alpha\varsigma \ \phi\acute{o}\tau\alpha\varsigma$, *radix, & fons aeterna natura*, idest animi ipsius. Nec alia in Quaternione quaerenda mysteria.

Sed jam iterum nos Plato vocat. *Hanc igitur, ait, omnem conjunctionem, duplicem, in longitudinem diffidit: mediaque accommodans mediam, quasi decussavit, deinde in orbem torfit, ut & ipsa secum, & inter se ex commissura, qua e regione esset, jungerentur: eoq; motu, cujus orbis semper in eodem erat, eodemque modo ciebatur, undiq; est eas amplexus. Atque ita cum alterum esset exteriorem, alterum interiorem amplexus orbem, illum lationem ejusdem naturae, hunc alterius nominavit.* Gassendus magna eruditione, & ingenio vir, in summam desperationem adductus capiendi quidquam eorum, quae de Mundi Harmonia Plato habet, palam optavit exsuscitari virum, quò rogetur, ut haec sua aenigmata solvat, ut sese tandem intelligi patiatur; inter cetera, ut suam istam Decussationem, seu Chiasmum declararet. At verò nihil tanto miraculo opus est: non

non adeo se involvit Plato, ut non etiam satisfatis explicet: offundit quidem tenebras, sed in quibus interluceant scintillæ, quæ non neglectæ claram lucem accendere possint. Quod ut hætenus in ceteris, ita in iis, quæ supersunt, re ipsa probabimus.


Harmonicos omnes in unam Lineam explicatos numeros, summus Opifex dissecavit in duas. Non quidem æquales; nam ita omnem harmoniam, quanta quanta est, corrupisset. Quippe discissio hæc in medium incidisset Limma, quod est 1944.* 2048: & utriusque lineæ harmonia evanisset. Divisit ergo in lineas longitudine inæquales, quarum minor primo termino 384, & decimoquinto 1536 concluditur, intra quos omnia quinque Musica Intervals habentur, ut in Linea X observare est, & suprâ monuimus. Major verò est a termino decimosexto 1728 ad ultimum 10368, de cuius harmonia suo loco dicemus.

At harum linearum quis tandem usus? Eas Deus in sui medio aptavit vicissim in speciem Chiasmi, seu Decussis: id est alteram alteræ oblique superimposuit per medium:

M

tum

tum singulas capitibus commissis torsit in Orbem. Sint duæ inæquales lineæ ABC, DBE, quæ se medias decussent in B, ut D recedat ab A tot gradibus, seu partibus circuli,



quot distat Polus Eclipticæ a Polo Mundi. Linea ABC minor, sit ea pars Harmoniæ, quæ primo termino, & decimoquinto includitur: at altera pars, quæ est a termino decimosexto usque ad ultimum, repræsentetur per maiorem lineam DBE. Hic erit Chiasmus, in quem Harmonia Mundi, in duplicem longitudinem diffissa, conformatur.

Tum lineæ ABC capita A, C, ita intelligantur in sublime tolli, ut paulatim se torquendo, coëant in unum: & linea recta abeat in Orbem. Idipsum esto de lineæ DBE, sic ut capita D, E, & inter se, & cum capitibus A, C, alterius lineæ, in eodem puncto ne-

ctan-

stantur in sublimi. Ex quo fit, ut Orbes hi in duobus oppositis punctis se interfecent, & quâ inter se maxime distant, sint diffiti partibus vigintitribus cum semisse. Ita eos Orbes habebimus, quos hîc Plato adumbrat. Orbis, in quem torquetur linea minor ABC, sit *Exterior*: at in quem major linea DBE, sit *Interior*. Concipiamusq; utrumq; in gyrû versari: ille erit latior τῆς ταυτῆς φύσεως, *natura ejusdem*: hic τῆς διαίτης, *alterius*. Quorsum hæc tendant, videamus.

Ita enim pergit Plato. *Eamque, qua erat Ejusdem, detorsit a latere in dextram partem: hanc autem Alterius a media linea direxit ad levam*. Hæc est Ciceronis versio, qua & suprâ usi sumus. Nimirum frontem nos Plato sursum attollere jubet, si Orbes ambarum linearum, in quos Mundi Harmonia abiit, mentis saltem oculis, quando in visum non incurrunt, conspiciere velimus. Alter enim Mundo extrinsecûs circumductus (ea propter *Exterior*) Æquinoctialem circumculum ambit, amplexuque tenet, seque ex se sua sponte agens, eum alium, quẽ dixi, circumculum, cumq; eo fixas Stellas omnes ab Or-

tu rapit in Occasum, super Polos Mundi.
 Qui motus unus semper & idem, & ideo natura *Ejusdem*, in singulos dies absolvitur.
 Alter e diverso Orbis, qui & *Interior*, in Mundi spatia detrusus, priorem oblique secās, Signifero subtenus, se ab Occasu in Ortū versat, suoque pulsu errantes circumducit
 Stellae, non uno, sed dispari, adeoque septuplici cursu: quocirca naturae *Alterius* nuncupatur. Hinc sunt illa Boëtii ad Deum, quae nunc demum capimus.

*Tu triplicis mediam naturae cuncta
 moventem*

*Connectens animam, per consona membra
 resolvīs:*

*Qua, cum secta duos motum glomera-
 vit in Orbes,*

*In semet reditura meat, mentemque
 profundam*

*Circuit, & simili convertit imagine
 Caelum.*

At audisne Platonem de rebus coelestibus
 balbutientem? quo tamen nihil de tanta
 ejus

ejus gloria decedit. Fuit enim non ipsius, sed temporum vitium. Quippe nihil dum suboluerat de lento fixarum Stellarum progressu in Ortum super Polis Eclipticæ. Diu post Hipparchus puncta Solstitii, & Brumæ, ut & Æquinoctiorum, non iisdem perpetuò Stellis esse alligata apprehendit. Non ergo mirum, si Plato ab Interiore circulo errâtes tantum Stellas in Ortum volvi statuât, nulla de inerrantibus mentione facta, quas solas in Occasum agi ab Exteriori circulo perhibet. Mirum est, id ignoratum fuisse Ciceroni, qui post Hipparchum scripsit; nam ultima Verni Æquinoctii observatio ab Hipparcho facta incurrit in annum Urbis 626. Cùm circumactis sexagintaquinque minimùm annis, Cicero in libro de Natura Deorum secundo ait? *Nam cùm duo sint genera Siderum, quorum alterum spatiis immutabilibus ab Ortū ad Occasum commeans, nullum unquam cursus sui vestigium inflectat: alterum autem continuas conversiones duas iisdem spatiis cursibusque conficiat; ex utraque re & Mundi volubilitas, qua nisi in globosa forma esse non potest, & Stellarum rotundi*
am-

ambitus cognoscuntur. Hæc sane Cicero post
Consulatū suū scribebat, quem iniit A.V.
691.

Dixi, Circulū Interiorem Signifero
subtensum, ab Exteriori, quā lōgissime abir,
distare partibus 23. 30. nimirum ad rem ip-
sam magis, quā ad Platonem attendens,
qui sui temporis Astrologis si consensit, uno
semisse plus velle debuit, seu, ut tum nu-
merabant, partibus integris quatuor, qua-
lium quadrans est quindecim; nam circulus
sexaginta non amplius partibus constabat.
Manilius in Sphæra, de Sole.

Cum medium equali distinguit limite

Cælum:


Quatuor & gradibus sua fila reducit
ab astu.

Haftenus Platonis mentem explicuimus:
verba nihil attigimus. Quid enim *lava*, aut
dextra? quid *latus*? quid *media linea*? Om-
nes taciti transmittunt. Et quid explicassent
in corruptissimis verbis, e quibus nihil sani
elici potest? Trajectio omnino est, & vel
meo

meo periculo legas . τὴν ταυτῇ , κατὰ διάμετρον ἐπὶ
 αἰσθητῇ περιήγαγε . τὴν δὲ θάτις , κατὰ πλευρὰν ἐπὶ δεξιᾷ .

Eam (lationem) *quæ erat ejusdem per di-*
metientem circumegit ad lævam:hanc autem
Alterius per latus ad dextram . Concipe a
 centro Mundi lineas duci,alteram ad Ortum
 Solstitialem, ad Brumalem alteram . Hæc
 erunt latera trianguli , cui abscissa a Coluro
 Tropicorum portio, basis est . Tum per me-
 dium interceptum spatiū ad Ortum Æqui-
 noctialem tertiam lineam extendi, quæ Pla-
 toni *dimetiens* est,ut infrà de triangulo Sco-
 lio . ξύνδος ὅ τῶτων κατὰ διάμετρον ξυνισθεμένων , & ce-
 tera . Jam omnia ita perspicua sunt , ut vix
 interpretem desiderent . Orbem enim na-
 turæ ejusdem, Exterioresve ideo ad lævᾶ
 circumactum dicit , quòd Æquinoctialis ab
 Ortū volvatur in Occasum,ut læva sit Occa-
 sus ipse . Quod est ex Pythagoreorum sen-
 su,qui dextras Mundi partes faciunt , quæ ad
 Ortum sunt:sinistras,quæ ad Occasum . Qua-
 re & Orbem naturæ alterius , Interioresve
 verti ad dextram , est Planetas , quæ intra Si-
 gniferum discurrunt, cieri ad Ortum . Porro
 hic motus fit *per latus* trianguli jam designa-

ti: ille *per dimetientem*, quem *médiam lineam* Cicero vocat.



ABCDE est Colurus Tropicorum. F centrum Mundi. FB latus a centro ad Ortum Solstitialem. FD latus ad Ortum Brumalem. FC dimetiens ad Ortum Æquinoctialem. BCD dextra Mundi. EA læva. AC circulus Exterior Æquinoctialem complexus, qui a dextra Mundi volvitur ad lævam per dimetientem FC. EB circulus Interior Signifero subtenfus, qui agitur a læva Mundi ad dextram, per latus FB.

Prævit Platoni viam Timæus, de more: qui

qui & ipse errātes Stellās ab Harmonia versari in Ortū, fixas verò in Occasū docet: nec alia sane de causa δύο δυνάμεις ἀρχαὶς κινασίαν, *vim geminam, quā motus efficiat*, Harmoniæ Mūdi tribuit. Ex quo liquet, Timæum non per eadem isse vestigia, ac reliquos Pythagoreos, qui Terram ad motum sollicitarunt, ut sua maxime circum axem volutione diei, noctisque vicissitudines efficeret; nam a Timæo ipse Sol unā cum Stellarum fixarum regione circa Terram in singulos dies citatur, Exteriore Orbe rotante. Nec abit Plato, qui hæc ipsa recitat: utut si veterum, Aristotelis præcipue, traditionem sequamur, sibi ipse adversetur, & contradicat, cū Terram αἰλουμένην περὶ τὸν διὰ παντὸς πόλον τελαμένην; quasi dixerit, eam torqueri circa extensum Universo axem. Nam axem πόλον vocat. Atqui αἰλουμένην, vel, ut alia lectio habet, ἰαυμένην, etiam *illigatam* denotat. Quod hīc velle potius est, ut sibi Plato, in eodem maxime libro, cohæreat, & constet. Nempe quotquot cum Ecphanto Terram in medio Mundo volvi ab Occasu in Ortum censent, Stellās a cursu in Occasum absolunt. Recte itaque Cice-

ro vertit: *Qua* (Terra) *trajecto axe sub-*
netur.

Pronum erat quærere, quò ex circulis in-
qualis orbitæ, minor esse posset Exterior, ma-
jor Interior? quò hic intra illum moveri?
Eam omnem hæsitacionem tollit Plato, dum
Interiorem Circulum sexies divisum, & ex
segminibus septem minores, ac minores
Orbes confectos ait, qui Signifero subterla-
bantur ita, ut unus per Eclipticæ ductum,
devehat Solem, ceteri suis orbitis Eclipti-
cam interfecent, hinc & illinc a medio defle-
ctentes ad octonas partes, vel, ut antiqui pu-
tabant, ad fenas.

Hæc enim Platonis verba: *Sed principa-*
tum dedit superiori, quam solam indivi-
duam reliquit. Interiorem autem, cum in
sex partibus divisisset, septem Orbes dispa-
Duplo, & Triplo Intervallo moveri iussit,
contrariis inter se cursibus. Eorum autem,
trium fecit pares celeritates: sed quatuor in-
ter se dispa- & *dissimiles trium reliquo-*
rum. Hic ab Harmonia Mundi transit Pla-
to ad Harmoniam Siderum, & ab ea, quæ tã-
topere doctorum hominum mētes torquet, mira
bre-

brevitate se expedit, & tribus pœne verbis Duplo, & Triplo Intervallo fieri docet. Quæ tamen verba, omnia, quæcumque de Pythagoræ mente hæcenus ab aliis prodita sunt, aut tradita mala fide, aut investigata malo successu ostendunt. Cave enim credas, Harmoniam, quam errantium Stellarum orbitis Pythagoras inclusit, a Terra initium capere, & ad Stellæ usque fixas porrigi.

Non sum nescius ita, tanquam ex Pythagora, Plinium referre Historia secunda cap. 22: sed scio quoque ibi talia legi, quæ nunquam Pythagoræ exciderint. Ecce, hanc Plinius harmoniam ex tonis, & hemitoniis componit. Ist hæc ex Pythagora esse possunt? qui non hemitoniis, sed limmatis usus est. Tum ex istis tonis, & hemitoniis Diapason effici, septem omnino tonis contextum, ait. Quo quid absurdius? nam Diapason non ultra quinque tonos, & duo limmata excurrit.

Nec meliora his alii reponunt, non veteres modò, sed nec ipse Keplerus, qui hoc argumentum omni ex parte versavit, nec tamen ulla ex parte Pythagoræ mentem, quod

dolenter dictum velim, est assequutus.

Pythagoras ergo, etsi intervalla omnium Planetarum Musicam rationem habere sit opinatus; tamen quæ ea esset, non de omnibus ausus est diffinire, sed de tribus tantum: Luna citima terris, Sole in mediis spatiis vagante, & Saturno, qui summam tenet plagam. Hos voluit Duplo, & Triplo Intervallo moveri, ut a Luna ad Solem sit Duplum: a Sole ad Saturnum, Triplum. Accipe primum numerum Orbis Interioris 1728, terminum decimum sextum, quem Lunæ affigas: tum quære istius Duplum, & incidēs in terminum secundum, & vigesimum, qui est 3456. Hunc si tribuas Soli, habebis a Luna ad Solem quinque tonos, & duo limmata, præter apotomen unam. Hæc Diapason conficiunt, cujus ratio se habet, ut duo ad unum, & dividi potest in Diatessaron, & Diapente, ex quibus conflatur.

Deinde numeri 3456 quære Triplum, & occurret ultimus Lineæ terminus 10368, qui Saturno donetur opus est, ut inter eum, & Solem resonet Diapason & diapente, quod est, ut tria ad unum, & octo tonos cum tribus lim-

ma-

matris complectitur, ultra apotomen alteram. Quæ si in tria dispartiri placeat, unum Diatesfaron, & duo Diapente dabunt.

Ex his capimus, cur superiori Lationi principatum tributum a Platone sit, nempe non solum, quia illa fixas Stellas cum errantibus rapit in Occasum; sed præcipue, quod omnia Intervalla Musica suo ordine complectitur. At Inferior Latio continet duo tantum, Duplum, & Triplum, scilicet si ea sumamus, quæ hic attenduntur.

Quibus verò Intervallis errantes reliquæ Stellæ collocari debeant, incompertum sibi esse Pythagoras, & Plato silentio professi sunt; quamquam & ipsas Musica ratione disponi argumento esse possunt hæc Timæi verba: *ἀδὲ τῷ ἰλίῳ φορὰ μεμερισμένα καὶ ἀρμονικῶς λόγῳ, ἐς ἑπτὰ κύκλους συνελθαι.* *Latio autem natura Alterius, divisa juxta harmonicas rationes, in septem circulos disposita est.*

Et hæc est Mūdi Harmonia, quā ut rem sacrā, ne cui violaretur, lōge ab hominum oculis abduxerant Timæus, & Plato. Nec tamen, quod eruiamus primi, & evulgavimus, propterea nos quisquam sacrilegii reos arguet. Quæ enim

enim hæc invidia est, ita quæ scribas involvere, ut neminem doceas? quod perversum iudicium, istud ipsum neminem docere in auctoritatem scientiæ ponere?





DE NUMERIS MEDICIS

DISSERTATIO PYTHAGORICA.



Taliam per se ipsam nobilissimam fecit nobiliorem Pythagoræ Schola, qui diu multumque terrarum orbem pervagatus, tandem ad Oenotriam impulsus, Crotone conquievit, ubi Gymnasio explicato, scientias, in quibus ab Ægyptiis, Phœnicibus, & Indis eruditus, magna hominum celebritate professus est: inter cetera Medicinam edocuit, a Chaldæis, quos congenerat, acceptam, ut Apulejus in Floridis auctor est. At de tanti viri Medicina alio Opere a nobis dicetur, fusius. Viros, qui ex eo Gymnasio prodierunt, cum plurimi fuerint, & doctissimi, commemorare longum esset: unum, aut alterum ex Medicis proferre non-

pi-

pigebit, quamquam Pythagoreos omnes plurimùm Medicinæ incubuisse, scimus ex *Æliano* lib. IX. variæ historiæ: λέγουσι τὴν πυθαγορείου πατρὸς ἐφεδρία περὶ τῆς ἰατρικῆς σπουδᾶσαι τέχνην. Ipso statim initio prodiit *Alcmæo*, *Pythagoræ* auditor, qui Medicam artem promoturus, ἀνατολήν apud Italos invenit primus, quod *Chalcidius* in *Timæum* *Platonis* memoriæ mandavit. Magnus sane vir, *Ori*, qui in *Ægypto* eandem instituerat, si non par, saltem æmulus. Prodiit etiam *Democides* *Calliphontis*; nam, sive *Pythagoras* Italiam attigit Olympiade LXII, sive ante hæc tempora Scholā instituit Olympiade LX, certe eum audire *Democides* potuit, & ab eo Medicinam edoceri, ut qui *Crotona* digressus, *Polycratis* *Samii* primùm Medicus fuit, tum *Darii* *Hystaspis*, qui regnum iniit Olympiade LXIV, anno quarto. Nec si *Pythagorā* demas, alius per ea tempora idoneus in Italia Medicinæ auctor erat, a quo quidquam boni *Democides* haurire potuerit.

Nec in Italia modò *Pythagoræ* Scholæ floruit, sed & plurimùm in Sicilia, quò eam subvexere *Empedocles*, & *Epicharmus*, ille *Agrigentinus*, hic *Syracusius*, ambo Medicinæ scien-

scientia præstantes, Pythagoræ auditores ambo: quos deinde plurimi e tota Sicilia sequuti sunt. Certe de Medicis Siculis Pythagoræ sectatoribus meminit Silimachus, qui de acuto tormento, quod vulgò a volvendo ^{ελάσας} nuncupatur, ait, *quosdam Pythagoricos apud Siciliam medicantes, Græco nomine Phragmon* (^{φραγμας} est sepimentum) *vocare*, uti apud Coelium Aurelianum extat. *Apud Siciliam* eo modo dictum est, quo *Circa Lesbum* a Vellejo lib. 1. *Sedem cepere circa Lesbum insulam*. Is idem Coelius aliubi *Pythagoricum trochiscum* commendat.

At Pythagoræ doctrina, re & gloria felix, ubi diu regiones hæc nostras illustrasset, communi rerum omnium fato, tandem abolevit. Mirum est, eam desertam ob violata amicitiae jura. Ausonius Idyllio xv.

*Vive, & amicitias semper cole: crimen
ob istud
Pythagoreorum periit Schola docta Sophorum.*

Tempus, quo factum istuc sit, cognoscimus ex Laërtio, qui Pythagoræ Scholam ad no-

O

nam,

nam, & decimā ^{ante} durasse ait: idest ad annos
tercentum. Itaque si ponas institutam Olym-
piade LX, id incurret in Olympiadem cxxxv.
Anno Urbis D X I I I.

Hæc subvertere videtur Plutarchus, dum de
Animi procreatione differens, Pythagoreo-
rum Scholas sua etiamtum tempestate floruif-
se testatur. At nihil turbat. Scilicet eas, lon-
go post casum intervallo, C. Cæsar's ætate, ite-
rum excitavit P. Nigidius, de quo Cicero, ubi
de Universitate, initio: *Denique sic judico,*
post nobiles illos Pythagoreos, quorum disci-
plina extincta est quodammodo, cum aliquot
secula (tria scilicet) in Italia, Siciliaque vi-
guisset, hunc extitisse, qui illam renovaret. Si
calculum ponas, comperies renovatam anno
post obitum CLXX, circiter. Hic est P. Nigidius
Figulus, quem ob ingenium, & doctrinā sum-
mè cultum a Cicerone, & cujus commenta-
tiones præ obscuritate, subtilitateque parum a
vulgo tritas Gellius memorat.

Ceterū Pythagorei inter Medicos primas te-
nuerūt: maxime post illustria Democidis gesta,
quorum gloria in re medica Crotoniatæ primi
sūt numerati, post hos Cyrenæi, quos Aristaus
Cyrni F. condidit. Ita Herodotus. Hæc

Hæc certissima cùm sint, videat Galenus quid egerit, cùm Cyrenensibus insuper habitis, ut de quibus nihil meminit, Italos Medicos post Coos, & Cnidios in tertium rejecit locum. Itali Medici non sunt, nisi Pythagorei, ut secta Philosophiæ Italica, alia a Pythagorea non est. Ipse itaque in primo Methodi ait, Medicos Coos, Cnidiosque certasse inter se *inventorum numero*, ἡ πλῆθος τῶν εὐρημάτων, & cum his tertios honestum certamen Italos Medicos inisse. Hos fuisse Phlistionem, Empedoclem, Pausaniam, horumque socios. Et χόρος tres has Scholas vocat. Tum addit. πλεῖστε μὲν ἦν ἡ ἀρίστε χορευτὰς ὁ κῶος εὐτυχέστες εἶχεν. ἐγὼ δ' ἔτε ἴστω ἡ ὁ ἀπὸ τῆς κνίδος. λόγος δ' ἔν αὖτις ἢ σμικρὺ ἡ ὁ ἀπὸ τῆς ἰταλίας. *Plurimos quidem, optimosque ludiones Coos fors obtulit, ab hoc Cnido: nec tamen in parvo habendi pretio erant Itali.* In hanc tamen sententiam prolapsus videtur Galenus, quia & ipse Cois ludionibus voluit accenseri: quare quæsitæ ea propriæ Sectæ laus leviolem ipsum auctorem facit.

Sane Hippocrates ipse, qui tantam laudem Cois conciliavit, quique Olympiade LXXXVI floruit, vigēte Pythagoreorum Secta, non mo-

dò eam optimè tenuit, sed etiam complura ab Italiciis Medicis accepta, ad gratiam, & gloriam colligendam, suis libris inseruit. Nec mirum; nam ea Schola cùm vigeret, tanto in honore fuit, ut, quod Cicero ait, nemo demum sapiens censeretur, nisi qui ea esset imbutus. Illud dolet, quod Hippocrates in delectu minus, quàm oportebat, diligens fuit; nam præclaris multis, quæ Italica Secta habebat, neglectis, leviora quædam arripuit, ut ea sunt, quæ de Numeris traduntur, quos & in rebus humanis, & in medicina plurimùm valere censebāt.

Qui infans septimo, vel nono mense nascitur, is vitalis est Hippocrati: contrà, qui octavo. Hæc ante ipsum prodidit Pythagoras, qui duos tantummodò partus maturos agnovit: alterum Minorem, qui x, & cc die post conceptionem ederetur: alterum Majorem, cui die saltem cclxx oriri contingat. Numerus dierum cclxxiv pro partu Majore non est a Pythagora, ut perperam Censorinus tradit, sed a Varrone, qui Hebdomadas computabat. Vide Gellium. Pythagoras enim ut decimum mensem admisit, ita nonum solidum non exclusit, quod ex Laërtio constat.

Nul-


Nullas nugas viri docti omisere, ut harum rerum causas aperirent. Qui tanti putat, apud eos quærat. Nobis rationem Pythagoræ explicuisse satis erit. Ea tota ex numeris pendet, ut rectè Paulus IV Sentent. tit. ix monet. *Septimo mense natū matri prodesse; rationem enim Pythagorei numeri hoc admittere, &c.* At qui tandem hi numeri? Nullusdum eos indicare potuit: extant tamen apud Homeri Interpretem Rhapsodia xix, illis verbis: *οἱ δὲ πυθαγόρειοι ἔχουσιν ἀριθμητικῶς ἥτοι ἀριθμητικῶς τὴν αἰτίαν ἀποδιδόασιν.* Et quæ sequuntur. Quæ verba Annibal Fabrotus in eleganti Exercitatione de Tempore partus humani, ut morosiora attingere ausus non est. At verò Pythagoræ ratione ignorata, frustra in harum rerum investigatione laboratur. Dabimus propterea operam, ut tenebras, quæ inesse videntur, discutiamus.

Esio triangulum Scalenum ABC, cujus latus AB habeat quatuor unitates: BC quinque. De tertio latere AC Homeri Interpres nihil meminit: at dubitandum non est, quin ex unitatibus tribus constitui debeat. Ita fiet, ut omnia trianguli latera novem non amplius unitatibus

tibus consent, quot scilicet solidos plerumque menses foetæ uterum gestant. Palam verò est ex Pythagoræ scitis, ternarium, & quinarium mares esse numeros, ut qui impares: quaternarium verò, qui par est, feminis accenseri. Perspicias jam animo quas vires habitura sis ratiocinatio, quæ his fundamentis nitatur, quæve proles ex horum numerorum complexu possit oriri. Ea ejusmodi est.

Multiplicentur iv per v , quorum ille femina, hic mas, & numerus inde productus in unam colligatur summam cum quadrato ex v . Et erunt xlv . Hi rursus ducantur in semissem $\epsilon\mu\beta\alpha\delta\epsilon$ trianguli, hoc est vi , & fient $cclxx$, quot dies novem computant menses, si quis Ægyptiorum more, quos tum fere sequebantur, tricenos dies singulis mensibus tribuat, ut & Hippocrates computat libro $\pi\epsilon\rho\iota\ \tau\epsilon\sigma\sigma\phi\epsilon\varsigma$. Inde est, qui nono mense nascitur, eum vitalem fore, tamquam maris numeri fatu, femineique conceptu generatus, & editus. $\tau\omicron\ \epsilon\mu\beta\alpha\delta\epsilon$ trianguli nō est area, ut putant, quia hīc areæ semis non est vi ; nam triangulum ABC rectangulum est, cū hypothensæ quadratum exæquet quadrata laterum.

Est



Est ergo $\epsilon\mu\beta\alpha\delta\delta\epsilon$ rectangulum factum ex lateribus, quæ rectum angulum comprehendunt. Hujus semis est vi.

Eadem via partum, qui septimo mense editur, vitalem esse Pythagoras ostendebat; nam, & numerus, qui horum mēsum dies completitur, ex mare, & femina gignitur. Venim, ducantur in iv, & qui oritur numerus in unum computetur cum altero numero facto ex iii in v. Ita provenient xxxv. Quæ rursus multiplicent dimidium $\gamma\epsilon$ $\epsilon\mu\beta\alpha\delta\delta\epsilon$, & habebimus ccx, quot dies imputantur mensibus septem.

Non temere Italicæ Medicinæ, quæ numeris consociatur, ut sibi mutuam opem ferant, tam luculentum specimen alibi occurreret. Et hi ipsi numeri sunt, qui in sententiam de partu octimestri non vitali tot gentes per tantam-

temporum intervalla pertraxerunt. Nam v
mas numerus, multiplicet marem alium nu-
merum 111. Et quod inde provenit, uniatur
cum quadrato ex v, & fient xl. Hæc si multi-
plicent semissem *1½* *ἡμιπαύς*, colligentur ccxl,
quot dies octo mensibus insunt. Sic nullus est
maris, & feminæ initus, & partus octimestris
vitæ spem nullam habet.

Neque his solum Pythagoreorum nume-
ris delectatus Hippocrates est: arrisere ei & alii,
ut qui dies *κρίσιμος* decretoriosve demonstrant.
Hos attendit in ferendo de febrientibus, & de
sudoribus iudicio, & in cibo opportune exhi-
bendo. Aut valde fallor, aut & hoc in ipsum a
Pythagora fluxit. Testem habeo Celsum, qui
ubi hos ipsos tanquam vanos cum Asclepiade
respuisset, inquit: *Verum in his quidem an-
tiquos tunc celebres admodum Pythagorici
numeri sefellerunt*. Ecce, ut antiqui, ipseque
adeo Hippocrates, hac in re Pythagoræ du-
ctum sequuti sunt. Hi dies esse perhibentur,
tertius, quintus, septimus, nonus, undecimus,
impares omnes, quibus quantum a Pytha-
gora tributum sit, neminem latet. Ex his
ipsis septimo, qui medius est, arrepto, pro
die-

III.	XI.	diebus etiam decretoriis statuere duplum ejus, triplumque, id est diem quartumdecimum, unum & vigesimum,
V.	IX.	uti adjunctum Diagramma ostendit.
VII.		
XIV.		
XXI.		

Et hæc est Litera Pythagorica, quam humanæ vitæ speciem præ se ferre dictitabant; quod ex numeris, quibus ea conformatur, certum, ut ipsis visum, in febre instantis salutis, aut mortis argumentum desumeretur: quippe tunc febris vel remittitur, spem salutis faciens: vel intenditur, perniciem allatura.

*Litera Pythagora discrimine secta bicorni
Humana vitæ speciem præferre videtur.*

Causam Poëta horum versiculorum auctor minime est assequutus, cū ad virtutis, vitiique discrimen spectare id sibi persuasit. Nec sane ratio quadrat; non enim dextrum modò cornu ejus in summo patefcit, sed & sinistrum. Germanus intellectus est, quem tradidimus. Ex quo & illud intelligi potest, cur impares numeros, qui inter XI, & XXI se inculcant, Pythagoras dimiserit, pari illo, qui est XIV, in-

ordinem recepto: qui tamen, utut natura par, hic tamen vi & potestate impar censendus est; nam in eo Hebdomas finit. Quod Celsus minime cepisse videtur, cum objicit: *Ab impari ad paris rationem transit.*

Sed Hippocrates in his mirum in modum fluctuat, nec sibi constat, ut conferenti Aphorismos inter se, & eos cum libro περί κρισίμων, perspicue patebit. Suspectā veritatē ipsa inconstātia facit. Placet tamen ob ante oculos ponere, quæ habet lib. 1. aphor. xxiv. Retinet tres Pythagoræ Hebdomadas, sed die xvi concludit: præterea quamque ipsarum, ascendendo per tria, dividit in ἀρχήν, ἐπίσηλην, κριτήν, idest, *initium, indicem, judicem*, in hunc modum.

Primæ Hebdomadis

Initium I.

Index IV.

Judex VII.

Heb.

Hebdomadis secundæ

Initium VIII.

Index XI. Hebdomadis tertiæ
Initium.

Judex XIV. Index.


XVII. Judex.

Nescio, an satis recte magnus Interpres, quo die xiv secunda Hebdomas finitur, eodem incipere tertiam Hebdomadam putet, ut tres Hebdomades terminentur vigesimo die. Reclamat, ni fallor, Hippocrates, cujus hæc verba sunt: Θεωρητὴ δὲ πάλιν ἡ ἑπτακαιδεκάτη. αὕτη γάρ ἐστι τετάρτη μὲν ἀπὸ τῆς τσσαρεσκαιδεκάτης. ἑβδόμη δὲ ἀπὸ τῆς ἐνδεκάτης. *Rursus verò dies decimus septimus est attendendus; is enim a quartodecimo quartus est: at ab undecimo septimus.* Nec ullam toto eo Aphorismo Cous Senex vigesimi diei mentionem injicit: quem non ita neglexisset, utique si ad eum usque tertia Hebdomas excurreret.

Nec ex alio fonte, quàm Pythagoreo, ma-

navit libri IV. aphorismus LXI, qui, nisi febrientem diebus imparibus febris dimiserit, eam ferme reversuram adstruit. Quod Galenus concoquere non potuit, cum & in paribus idipsum accidat. Hæc enim vereor ut ab ulla rerum experientia profecta sint, & ne potius a semel concepta illa opinione de imparis numeri potestate & vi.

Demum Pythagoram tanti fecit Hippocrates, ut non ejus modò sententias & scita sectatus sit, sed etiam sermonis, & verborum æmulus videri voluerit. Sane Hippocratis dictio tota Pythagoram olet, concisa, succosa, legibus similis. Maximus Tyrius Orat. xv. ἦσαν δὲ πρὸς αὐτὸν οἱ πυθαγόρειοι λόγοι ὁμοῖοι τοῖς νόμοις, βραχὺς καὶ ἐπίτομοι, τὰ δὲ ἔργα μακρὰ καὶ διηκεῖν. Usus maxime Pythagoras hac dictione est ἐν ὑποθήκαις, eamque imitatum esse etiam Epietum Simplicius in Commentariis monet.



DE COLO
MAYERANO

EPISTOLA .

Ad Illustriss. & Præstantiss. Virum

D. D. DIDACUM
VINCENTIUM

A V I D A N I A ,


Regii Sacelli Præfulem , & Gymnasii
Neapolitani Præfectum .



Theophilus Instit. de Testam.

Καὶ ἡ τῶτων ἀγνοία ἕδιστα φέρει κίνδυνον ,
ἀλλ' ὥν πρὸς Ἰσραὴλ , καὶ τὸ μαθεῖν πῶς κατὰ
μικρὸν προϊόντες ἡμεῖς τῷ χρόνῳ , εἰπῶν
ὡς ἀγοπῶν.

Pag. 119







Uper cūm apud te essem, ut sæpe
soleo, V.Cl., visendum antiquita-
tis monumentum ostendisti, non
multis abhinc annis proxime Ro-
mam repertum. Ejus, inquam, ectypon: quod
Marcus Mayer, vir in primis diligens, & bo-
narum artium studiosus, formis non ita pri-
dem excudit, evulgavitque, & eruditis viris
explicandum proposuit. Id verò est instru-
mentum ex ære, rotundum, quod ita cortinæ
ritu cavum est, ut simul mamillę speciem emu-
letur: multiplicibus foraminulis certo, & ele-
ganti discursu totum pertusum, ut si liquorem
infundas, nequeat continere, sed ad guttam
transmittat. Quocirca statim oculis, & men-
ti Coli cujusdam imaginem objicit. Est manu-
brio instructum, lato, planoque, quatuor om-
nino spatiis distincto, in quibus singulis variæ
cernuntur figuræ arte toreutica extantes, ar-
gento exornatæ. Hortatus es, ut si quid ad
egregium istuc monumentum illustrandum

ha-

haberem, literis consignarem. Quamvis satis intelligam, hæc a nullo aut melius, aut promptius, quàm a te, posse explicari, qui omnem antiquitatem tenes; tamen, ne tibi minus audiens videar, cui, ob eum, quo me prosequeris, affectum, plurimùm debeo, non defugiam laborem, & pro viribus desiderio tuo satisfacere conabor non invitus; eò præsertim, quod iis, quæ dicturus sum, ipse viam consiliis tuis struxisti. Visum tibi est, quatuor spatiorum figuras non ad diversa tendere, sed simul omnes inter se esse connexas, simulque ad Medicinam referri, quando Cola inter Medicorum maxime, & Sepalsiorum instrumenta computabantur. Quod tuum iudicium & acutum est, &, nisi fallor, verum. Ejus ductum sequutus, sine metu erroris, viam ingrediar.

In summo manubrii spatio, cùm variæ extent variarum rerum figuræ, arboris loti, studiosorum sellæ, aræ cum primitiis ficuum, & baculo: ea tamen, quæ omnium princeps est, & ad quam ceteræ referuntur, Herma est. Quid ni? Stat pube tenus ducta, vultu juvenili, sine brachiis. Hermæ ita ἄκρωτοι, & trunci conspiciebantur plurimi Athenis, ut ex Thucyde
de

de lib. vi, Plutarcho in Alcibiade, & Cimone, aliisque notum est. Erant etiam Romæ in Circo: quod, si recte memini, unus monet vetus Juvenalis Interpres Satyra viii. *Herma*, inquit, *effigies aeneæ, aut marmoreæ, sine manibus, quales videmus in Circo*. Tales pariter statuebantur ubique in Gymnasiis. Xenocrates.

ἑρμῆς ὡκύς ἐγὼ κικλήσκημαι. αἰτῶ παλαίστην
μὴ κολοβὸν χερῶν ἵσται, μήδ' ἀποδα.

Hermes ipse feror pernix. Cur ergo palæstra

Et manibus truncum ponitis, & pedibus?

Effingebantur Hermæ pectore ferme, quadrato, & tandem in pyramidem inversam desinebant: imò quandoque in cippum ad speciem cubi. Nimirum Aristophanis Interpreti Herma est λίθου τετραγώνου, & κυβοειδούς. *Lapis quadratus, & cubiformis*. Ubi *Lapis quadratus* est quadrata pyramis, πυραμὶς τετραγώνου, ut loquitur Strabo lib. xvi. *Lapis vero cubiformis* est prisma oblongum, planis æqualiter distantibus. At non semper ita factum esse testes sunt veteres Num-

mi, in quibus sæpe Herma thoracem rotundo proximum habet: &, ut partes apte inter se consensiant, super cono inverso quiescit. Hunc responsum symmetria exigit: & Hero male apud Architectos audit, dum in Automatis semel iterumque *πρᾶξι κυρίως*, idest rotunda quadratis subjicit. Noster Herma, cum teres & ipse sit, insidet tamen non cono, sed cylindro, aut columellæ. Quod notabunt studiosi; non enim alibi obvium.

Hæc ita efformata est, ut vetustissimam, columnarum speciem ante oculos ponat; est enim sine capitulo, & sine toro: quanquam ei basim inæquales plinthis duæ faciant, minor majori superimposita. Rudi enim, & adhuc, ut ita dicam, vagiente Architectura, nullum majus studium columnis impendebatur, quam ut in puros cylindros evaderent. Et primùm in Ephesiæ Dianæ æde columnis capitella addita, subditasque spiras Plinius auctor est.

Posset hanc de Herma interpretationem labefactare lorica squamis conferta, qua nostra hæc effigies induta est: posset hasta, quam ad dexteram partem habet, oblique positam, tanquam si manu teneretur. Quid hæc cum Herma?

ma? Non est ignotum tibi, Vir doctissime, veteres sæpe ex pluribus Diis, varias ob causas, unum signum confecisse. De omnibus non est hic dicendi locus: quædam de Herma produxisse sit satis. Jungebant ei aliquando, & veluti inferebant Venerem ita, ut duo in unum abirent: & hanc *Hermaphroditem* nuncupare possumus. Interdum Herculem: quod signum *Hermeraclem* Tullius vocat. Nonnunquam immiscebant Minervam, & dicta fuit *Hermathena*, ut hæc nostra est; nam corporis truncus dimidiatus, sine lacertis, Hermam effingit: lorica, & hasta, Minervam: vultus juven-ta decorus, satis utrique aptus.

Visum veteribus est, hæc duo numina mistis corporibus jungere, non sine gravi de causa. Nempe, ut monitos nos facerent, sapientiam, cui Minerva præsidet, & eloquentiã, cujus auctor Mercurius habetur, alterã ab altera vim & ornamentum capere, nec nisi invitas segregari. Eloquentissimum fuisse Democritum constat. Platonis in dicendo elegantia, cui non nota? Aristoteles aureum orationis flumen fundere dictus est. Et nominatim de Academicorum philosophia testatur Cicero, cujus hæc

verba . Nam cum hoc genere philosophiæ, quod nos sequimur , magnam habet Orator societatem: subtilitatem enim ab Academia mutuatur , & ei vicissim reddit ubertatem orationis , & ornamenta dicendi . Locus est in libro de Fato , statim initio . Quocirca ipse Cicero inter cetera Academiæ suæ ornamenta, quam non ita procul a Baji erexit, Hermathenam dedicavit. Nam ita ad Atticum. *Quod ad me de Hermathena scribis , per mihi gratum est , ornamentum Academiae proprium, mea; quod & Hermes commune omnibus, & Minerva singulare insigne ejus Gymnasii .* Et ut Cicero in Gymnasio , ita alii in Bibliothecis Hermathenam dicabant ; nam ea est *Media Minerva* , cujus meminit Juvenalis Satyra IIII.

Hic libros dabit, & forulos, mediamque Minervam .

Nec tamen inficias eo, non Hermathenam semper , sed interdum Athenam in Bibliothecis, & Gymnasiis positam. Plinius lib. VI I . cap. LIIX. *Indicio erit Delphica tabula antiqui aris, quæ est hodie in Palatio, dono Principum*
Mi-

Minerva dicata in Bibliotheca . Salvianus lib.viii. *Colitur & honoratur Minerva in Gymnasiis.*

Similem huic nostræ imaginem exhibet ex veteri Nummo Jacobus Spondius in Miscellaneis eruditæ antiquitatis. Ea est *πρόσωπον* adolescentis, brachiis trunca, turbini inverso innixa, cum hasta ad dextram. Hanc ipse Hermam esse docet. Minus recte; nam cum ea nihil commune hasta potest habere, nisi Hermathena sit. Duobus discernuntur: quòd nostra lorica[m] habet: hæc cum ea careat, caput floribus coronatum gerit. Sed discrimina hæc alicujus momenti non sunt; nam hasta ipsi per se ad Minervam indicandam satis est: & corona, pro colentium arbitrio signa aut ornat, aut ab iisdem abest.

Quædam de Hermis omnifariam ex Nummis, Gemmisque discimus, quæ in libris frustra quæras: ut illud est, non semper hæc signa brachiis defecisse; nam Hermathena interdum ea habet, ut in Nummo Hadriani, quem Ful. Ursinus produxit. Visitur in eo Virgo mammis sororiantibus, desinens in metam inversam: galeam capite gestat, brachio sinistro clypeum substiti-

substinet, dextra manu hastam. Ita Hermerac-
 clas sine brachiis est in Gemma Leonardi Au-
 gustini: apud Spondium iisdem non destitui-
 tur. Herma ipse, qui passim ab auctoribus
 brachiis abscissis describitur: quare Strabo lib.
 xv. inter Indorum dona ad Cæsarem, homi-
 nem lacertis a natura truncum, *Hermam* ap-
 pellant: ἡρμᾶν ἀπὸ τῶν ἄμων ἀφρημένον ἐκ ρητῆς τῆς βρα-
 χίονας. Quæ ita explicat Dio Cassius lib. LIV.
 μειράκιον ἀπὸ ἄμων, οὗτος τὸς ἡρμᾶς ὀρώμεν. Ipse, inquam,
 apud eundem Augustinum Tom. II. Gemma
 XIII. sinistra caduceum gestat: dextram sub
 pallio latentem pectori applicat.

Sed de his plus satis: jam ceteras, quæ circa
 Hermathenam, figuras persequemur. Ante
 eam stat Ara. Earum aliæ ex cylindro constant,
 quæ frequenter in Nummis occurrunt. Quæ-
 dam ex prismate quadrangulo, quaque ex tri-
 bus dimensionibus inæquali, ut erant aræ vetu-
 stiores, & maxime Jonicæ, de quibus Nicoma-
 chus lib. I I. ἀριθμητικῆς. Nonnullæ cubicæ sunt,
 ceu hæc nostra: habetque suam βάσι, & κορυφὴν.
 Hæc dicta volui, ne quin ara sit, dubitemus.
 Omitto aras rusticās, idest lapidem quemcun-
 que ex destinatione sacrificantis electum. Su-
 per

per ea sunt tres, ut videntur, ficus : juxta jacet baculus . Hæc quid sibi velint , anxie quærendum ne sit , facit Suidas , qui maxima ex parte interpretatur in voce ἱρμαῖον . Docet, fructuum primitias Hermis offerri solitas, quæ præde viatoribus cedebant . ἱρμαῖον . τὸ ἀπροσδόκητον κέρδιον, ἀπὸ τῶν ἐν ταῖς ὁδοῖς τιθεμένων ἀπαρχῶν, αἷς οἱ ὁδοποιοὶ κατεβύβουν.

Hermaum est insperatum lucrum, ab illis primitiis, quæ Hermis apponuntur in viis, quas viatores edunt. Et viatores indicat positus juxta aram baculus, quem longam viam ingressuri, ut procedendi laborem minuant, secum habere solent.

Nec est, cur miretur quis, Hermathenam in viis collocatam, eique primitias oblatas; nam quæ simplici Hermæ, eadem & Hermæ cum altero Deo confuso tributa fuere: quippe Hermeraclam quoque in viis positum, primitiisque cultum ex veteri Epigrammate discimus. Carmina, quæ huc faciunt, ita habent.

ἄμμες ὄρων φύλακες δισσοὶ θεοὶ, ὧν ὁ μὲν ἱρμαῶς,
οἷον ὄρεῃς μ', ὅλος δ' αἶτερος ἡρακλῆος.
ἄμφω μὲν θνατοῖς τυάκροι, ἀλλὰ ποθ' αὐτῶς
αἰτ' ὡμᾶς παραθῆς ἀχράδας, ἱκέτασιν.

Idest: *Duo nos Dii finium custodes sumus,*
quo-

quorum alter Hermes, qualem me vides, alter Hercules: ambo mortalibus faciles præbemus aures. Sed si acerba nobis apposueris sylvestria pyra, devoravit. Ita emendat Salmasius ad Inscriptionem Herodis Attici: at de Hermeracla nihil cogitans, de Diis *συμβάμοις* accepit, quales in viis, & finibus statutos non legimus. Illa certe admonitio, se duos esse Deos, satis unum signum extitisse demonstrat.

At cur primitiæ ex ficibus? Ex his, quæ in manubrio sculpta sunt, quædam ad ambos hos Deos pertinent, ut arbor loti, sella: alia privatim ad Minervam, ut cerva, sues, de quibus deinceps dicemus: nonnulla solum Mercuriū respiciunt, ut primitiæ. Hæ non sine causa ex ficibus; nam Mercurius palæstræ auctor fuit, quæ feros hominum cultus formavit, ut apud omnes contestatum est. Palæstritæ verò olim ficibus vescebantur, sed siccis, quæ panisque simul & obsonii vices implerent; carices enim, ut concoctu difficiles, ita corpus viresque adjuvant: diuque saturos athletas tenebant, ne quando inter concertandum esurirent, ut Plinius, & Rufus apud Oribasium auctores sunt. Emendandus Suidas in voce *ἰχάρις*. πρὶν ἢ δοθῆναι τὴν

περιφωρίαν τοῖς ἀθληταῖς, ἔχοντο τῇ ἰχθῦι . Ita legendum, non τοῖς ἀθηναίοις . *Athleta*, inquit, *antequam eis carnes concederentur, caricis utebantur*. Nam Pythagoras Phliasius Gymnasta, seu, ut quidam rentur, Alipta, primus Euramini Samio carnes apposuit . Et apud Rufum *πυθαγόρας* legendum, non *γύρας* . Quod Mercurialem decepit . Quin credimus, his de causis Mercurio ficus oblatas ? Nec contrā facit, quod virides cernantur ; nam cū primitiæ sint, utique sicce esse non possunt .

Hæc est nostra conjectura, cujus adhuc me non pœnitet . Si cui tamen arrideat, allusum, ad ficus ab Ægyptiis in die festo Mercurii esitatas, non repugno . Hi enim quotannis, xix die mensis Thoth, sacra ei Deo celebrantes, mel & ficum edebant, ea voce addita, *γλυκὴ ἀλήθεια*, *dulcis veritas est* . Narrat Plutarchus in libello de Iside, & Osiride .

Aliud sibi vult arbor, quæ pone Hermathe nam surgit . Nempe eos, qui semel sapientiæ, & eloquentiæ studia degustarunt, ea dulcedine, illectos, illis perinde adhærere, ceterarum rerum oblitos, atque Ulyssis socios lot o . Nam, si recte attendamus, non alia a lot o ea arbor est .

Ita fateri cogunt spectanda arboris proceritas,
 & poma parva, rotunda, e longioribus pedicu-
 lis dependentia; nam loti fructus est ἡλικὸν κύα-
 μον, *quantus faba*, ut Theophrastus loquitur:
 & capiendus est de faba Græcorum, pusilla, in
 orbem ducta: quod explicat Dioscorides, in-
 quiens: καρπὸν δὲ φέρει (ὁ λωτός) μείζονα πεπέριος: *Fru-
 ctum fert lotus pipere majorem*. At hæc po-
 ma in nostra arbore rara sūt, nec gemina; ut fa-
 tendum omnino sit, eam non effingere lotum
 Libycam, in qua fructus densus est, & myrta-
 rum ritu, pari serie a ramis dependet. Theo-
 phrastus. φύεται δὲ καθάπερ τὰ μύρτα, παράπληλ-
 λος ἐπὶ ταῖς βλαστῶν. Hæc longe absunt a nostra:
 quæ ea propter erit lotus Italica, cujus fructus
 habent cerasorum instar. Plinius: *Nascitur*
(fructus) densus in ramis, myrtorum modo,
non ut in Italia cerasi. Ita frequenter pro cæ-
 li, solique ingenio plantæ non semper eadem
 sunt, sed variant. Cogunt etiam fateri folia, in
 quibus ut ut varie sculptor luserit, quædam ta-
 men ad imitationem naturæ repræsentavit,
 idest ilici similia fecit. Libuit hæc quàm bre-
 vissime percurrere, non sine operæ pretio; jam
 enim sensus dicti Pliniani de Italica loto incla-

rescit : Hoc Plinius monet , fructus in ea non pendere ab alis geminos, paresque , ut in myrto, & loto Libyca : sed nullum servare ordinem , ut in ceraso . Ita nostræ sculpturæ lotus evincit, quæ evincit & illud, a vero nō aberrare, quicumque Italicam lotum eam esse plantam censent, quæ vulgi sermone a baccis, baccarumque forma, *Perlaro*, & *Bagolaro* appellatur ; nam si hujus nostræ ~~intra~~ cum illa conferas, statim eandem plantam esse deprehendes . Si non aliunde, certe ex hoc uno præclarum istud vetustatis monumentum salvum ad nos pervenisse jure merito gratulamur .

Demum ante Hermathenam cernere quoque est instrumentum exprimens minusculam aspirationis literam. Putem, sellam esse, cui insidentes studiosi, in Gymnasiis, & Bibliothecis coram Hermathena literis, & lectioni vacabant. Affirmat hanc sententiam vel maxime Spondii Nummus, quem diximus, ubi Hermathenæ coronatæ assidet vir, habitu philosophico, intentis oculis percurrens tabulas, quas utraque manu substat .

Recte hætenus, inquires . Sed pertinetne Hermathena ad Medicinam, cujus usui Cola-

inferviebant? Pertinet sane: & ita, ut nihil magis. Quippe Mercurius medicinam fecit, eamque multis inventis promovit, ut Ægyptii, Græcique pariter testantur. Ægyptii complures a Mercurio editos de Medicina libros habebant, quorum alii Pharmaceam tradebāt, alii Chirurgiam: in quibusdam de Anatome, & de Morbis agebatur. Hos *Sacerdotales* dictos soli Pastophori ediscebant, ut fuisse Clemens Alexandrinus persequitur. Græci eum Saluti contubernalem fecerunt. *Ἰνὸς ὀφείλου αὐτῷ συνῆκον*, ut Phornuti verba sunt. Nescius non sum, hæc ab ipso non ad medicinam, sed ad sermonem trahi, nobis impertitum, ut omnibus prosumus. Sed hæc ratio & coacta est, & friget. Certe nihil hac tanta subtilitate opus erat, quando id simplicius, & verius de Mercurii medicina accipi & potest, & debet. An de ea nihil Phornuto inauditum? Meminisset saltem ab eo inventum moly, quæ ruta silvestris est, linozostin, crocum, aloën. Præterea Meleager Syriacam nardum a Mercurio mortalibus commonstratam prodit in Corona Pancarpia:

ναὶ μὲν ἂν συρίην καχυότριχα θήκατο νάρδον,
ὕμνοθέταν ἱμῶ δῶρον ἀνδόμενον.

*Et Syriam nardum spicis intexere comāte:
Pēniger hanc nobis donat habere Deus.*

Orpheus etiā, seu quisquis ille est, qui de Lapidibus scripsit, vetustus sane auctor: is lapidum medicinam Mercurio tribuit: & nominatim Coralii vires ejus beneficio innotuisse canit:

κυράλιον θνητοῖσι φέρων πόρεν ἀεγυφόντης.

Hujus scientia medicinæ enituisse pariter Minervam memorat, quæ in ea Herculem erudiverit. Romæ in v Regione templum Minervæ Medicæ dedicatum ex P. Victore cognoscimus: ita a medendo dictæ, non a Medis. Quod Panciroli somnium est, aliud nihil. Ad eam sine dubio allusit Ovidius, cū Medicos hortatur, ut de suis muneribus etiam Minervæ offerant, Fast. 111.

*Vos quoq; Phœbea morbos qui pellitis arte,
Munera de vestris pauca referte Deæ.*

Ita apud Atticos colebatur ἀθηνᾶ ὑγίεια, & ἀθηνᾶ παιωνία, de quibus Pausanias. Et hæc pauca velu-

luti extremo digito attigisse sit satis ; fufius enim de his in libris de Origine , & progressu Medicinæ a nobis disputatum est, quos, si Deus dabit, propediem edemus .

Proxime in manubrio Coli sequuntur duo alia spatia, in quorum primo cælata est cerva, a partu humi procumbens, & hinnulus, qui a tergo descendens, se dirigit ad mammas: in altero stant duo sues, qui diversi abeunt. Suspicor, hæc omnia ad Minervæ medicinam referri. Ei acceptam ferimus herbam argemonem, ita silvestri papaveri similem, ut qui alteram viderit, ambas se nosse credere possit. Ea fertur usa, ut suis opitularetur. Plinius lib. xxiv. cap. xix. Quocirca inter evellendum Herbarii quidam dici mandabant: *Hac est herba argemone, quam Minerva reperit, suis remedium, qui de illa gustaverint.* At a quo tandem morbo sues hac herba convalescunt? Non id explicat Plinius. Sed omnino de angina capi debet: quo maxime morbo sues tentantur, & cujus Plinius paulò ante meminerat.

Non omiserim, supra sues nescio quæ conspici, figura ovata. De glandibus suspicionem mo-

movere possent, nisi ineptum esset, eas ita in aëre pendentes facere. Quid igitur? Potius est, ut sint capitula argemones, quæ, ut rhœadis, oblonga sunt. Possent etiam videri argemones calyces, qui antequam aperiantur, & ipsi ad ovi speciem vergunt. Interim cauliculis, a quibus dependebant, vel ob vetustatem attritis, vel ob exilitatem non satis conspicuis.

Cerva enixa apposita est ob munus obstertricis, quo delectabatur Minerva; nam ipsa est, quæ Latonæ enitenti assedit, ut proditum ab Aristide oratione ad Minervam. Et ei rei indicandæ electa præ ceteris brutis cerva est, quæ post partum medicinis sibi consulit; nam feselim edit. Haud me latet, hæc aliter a Cicerone tradi libro de Natura Deorum secundo: *Cerva*, inquit, *paulò ante partum perpurgant se quadam herbula, qua feselis dicitur*. Hæc tamen stare non possunt; nam ante partum omnis purgatio ob abortionis periculum noxia est. Exhibent quidem pastores in potu capris, ceterisque pecudibus ante partum feselim, sed non ut ipsæ purgent se, imò ut ita facilius suos fœtus enitantur. Dioscorides de feseli Massilitano. *διόσκορος δι' αἰγί,*

ἔ τοῖς λαίποδιν κρίνεται πρὸς ἰστοκίαν ποτόν. Sed dicere si
 licet, quod sentio, credere par est, Ciceronem
 scripsisse, aut certe scribere voluisse, *Paulò
 post partum*: ut qui sine dubio ante oculos
 habebat, quæ de cervis Aristoteles narrat, eas
 post partum seselim esse. Hoc enim faciunt,
 ut se perpurgent. Verba e libro IX. Histor.
 anim. hæc sunt. ὅταν τίνη ἰδῇ τὸ χορίον πρῶτον. ἔ
 ἐπὶ τὴν σίστιν δὲ τρίχυσιν. *Ubi peperit, fœtus in vo-
 lucrum edit primùm: tum ad seselim currunt.*
 His Plinius neglectis, & Ciceronis scriptura
 deceptus, rei falsæ falsam causam reddidit
 lib. VII. *Femina autem ante partum pur-
 gantur herba quadam, qua seselis dicitur, fa-
 ciliore ita utentes utero.* Aliò eum vocare
 debebat facilis, & aperta ratio. Nam sese-
 lim si ederent cervæ ante partum, constaret
 abunde non ad ἰστοκίαν, idest ad uterum facile
 gerendum: sed ad edendos feliciter fœtus ea
 vesci, sive πρὸς ἰστοκίαν. Ita facile error ex erro-
 re propagatur; nam illud potissimùm atten-
 dere opus erat, quod caput rei est, cervas ante
 partum ad seselim non ire, quamvis ea par-
 turientibus profit, ut celerius pariant. Nul-
 lisdum enim id observavit: neque Ciceronis
 fe-

festinationi, si modò is ita scripsit, credendum est, sed Aristotele teste standum, cujus ille historiam referre in animo habebat. Et hæcenus de hac controversia, quæ Dalecampium, Bodæum, Salmasium, Bochartum tantopere exercuit.

Manet nos ultimum spatium, quod est ad Manubrii calcem. In eo extat Pan arbori pomiferæ innixus, vultu tristi, qui dextra manu post tergus rejecta, sinistram porrigit hirco, qui in pedes posteriores erectus, fronte coniscat. In medio jacet humi fusa syringa septem disparibus calamis compacta, cui incumbit Copiæ cornu fructibus onustum. Aperta in speciem omnia; ecquis enim hæc prima facie statim se non interpretaturum recipiat? Aggressis tamen non ita facile singula ex voto procedent. Saltem, nisi conjectura assequi tentemus, frustra alias omnes rationes inibimus. Mihi ea animo sedet sententia, hæc non sine aliquo ad Mercurium respectu, qui in hircum mutatus Pana genuit, *συμβολικῶς* debere accipi, & morbos, præcipue febrim, demonstrare, quibus æque homines & bruta appetuntur, maxime per Autum-

num: unde opis medicæ necessitatem colligere liceat. Hircus enim febrem designat, qua cum toto caprarum genere, ut veteribus traditum, perpetuò tenetur. Plinius lib. vii. cap. x. *Auribus eas spirare, non naribus, nec unquam febris carere, Archelaus auctor est.* Vereor, ne Plinius memoriæ lapsu erret, dum de caprarum febre Archelaum scripsisse tradit, qui de spiratione sola per aures loquutus est, ut ex Varrone intelligimus lib. i. de R. R. Alcmaeo quoque Crotoniata capras spirare *et non aures* voluit. Quod Aristoteles verum, negat de Hist. anim. lib. i. Hæc differere subtilius hujus loci non est. Nec quod de febre dicitur, facile concesserim. Decepit nimirum veteres capris uberius insitus naturalis calor, qui pulsu venarum celeri, ac frequenti febris speciem exhibet. Eam ob rem Cajus quoque Mœcenas continenter febre vexari putabatur. Non id morbus erat, sed naturalis quidam corporis habitus: in Mœcenate singularis: in capris totius generis. Et immeritò Varro venditores reprehendit, quòd sanas capras præstare auderent: *De emptione aliter dico, atque*

fit, quòd capras sanas sanus nemo promittit, nunquam enim sine febrisunt. Quidvis ut sit, ex hoc factum est, ut capra Æsculapio sacrificaretur. Servius in Georg. II. Capra Æsculapio (immolatur) qui est Deus salutis, cum capra nunquam sine febre sit. Factum quoque est, ut hircus febrim hìc demonstret, qui videtur cornibus minitari, & impetum facere in Pana, idest in homines, ferasq; quos Deus ille διζωος, & duplicis naturæ particeps, repræsentat: & quibus, ut veterum quidam contendunt, sine febre mori non contingit. Pan velut periculi securus, dextra in tergus rejecta, sinistram extendit deliniturus hircū. Quæ est mortalium negligentia non minus in vitandis, quàm in depellendis morbis. Et quidem se morbo implicitum esse, Pan duobus ostendit: primò vultu tristi, contra quàm ejus natura ferat, quem semper hilarem verustas fecit. Homerus in Hymnis ἡδυγίατον, suave ridentem, appellat: deinde syringa abjecta, quasi innuat, procul a se corporis harmoniam habere: nam sanitas harmonia est, & soluta in animantibus harmonia, ipsam simul naturam dissolvi, Plato in Philebo testatur:

λίγω τολυν τῆς ἀρμονίας μὲν λυομένης ἡμῶν ἐν τοῖς ζώοις, ἀμα
 λύσιν τῆς φύσεως γίνεσθαι. Arbor demum pomifera
 juxta Pana surgens, & Copiæ cornu, quod sy-
 ringam premit, Autumnum indicant: quo
 anni tempore morbi ferocius, & frequentius
 ingruunt, & regnant, cū ob intemperiem,
 & repentinas aëris mutationes, tum etiam
 præ copia fructuum. Febres maxime quar-
 tanas, & erraticas hominum vitam per id
 tempus invadere, notat Hippocrates lib. I I I.
 aph. xx I I. Uno verbo, mortes frequentes
 sunt. Juvenalis Sat. x.

*Quot Themison agros autumnno occide-
 derit uno.*

Dextrum Panis brachium post tergus re-
 volutum in memoriam revocat nobile illud
 Musivum, quod Lugduni repertum anno
 CXODCLXX, evulgavit Spondius; nam & in eo
 expressus est Pan, qui sinistram manum post
 tergus abscondit, dextram verò ad alatum
 puerulum extendit, eum prensurus in hu-
 mero: qui contrà in ipsum utramque dirigit:
 ambo alter ad alterum inclinati. Multa vir
 doctus pro explicatione conatur: tandem
 le-

lectorem magna expectatione erectum, deferit. At non difficile erat videre, ob oculos poni Panis & Amoris luctam, ad quam ipsi eo gestu se accingunt. De ea lucta meminit Servius ad Eclog. 11. *A pœtis fingitur (Pan)cū Amore Deo luctatus, & ab eo victus.* Et eò respicere Virgilii illa opinatur, *omnia vincit Amor*; nam *πᾶν*, cui proxime accedit *πάντα*, est *omne*. Stat Pan vultu irrisoris, ut qui pro nihilo habet Amorem, puerum, ad id pugnae genus rudem: in tantum, ut cum eo solum dextra manu se luctaturum spondeat, dum alteram in tergo rejicit. Momentum non leve huic conjecturae addit adstans vir, qui dextra manu extensa cohortatur colluctantes, ipsisque animos facit: sinistra palmarum habet, præmium victori. Est enim *ἑρμῆς*. Spectatrix assistit ex altera parte Hermaphrodite, id est Venus trunca, sine lacertis, instar Hermæ, turbini inverso imposita, oculis ad pugnam conversis. Ubra habet extantia, caputque variis redimiculis, vittisque ornatum. Illustre sane vetustatis monumentum, dignum quod hîc a nobis explicaretur.

Et hæc de Coli Manubrio, quantum con-

jectura assequi potuimus, ubi nihil est, quod omissum a nobis quis queri possit. Proximum est, ut aliqua de ipso instrumento dicamus; nam Cola varii generis cùm fuerint, inspicendum est ad quem potissimum nostrum istuc fuerit delectum.

Erant Cola in œcis, & cœnaculis pro vino refrigerando. In deliciis olim fuit, vinum cum nive, glacieve mistum ebibere. Interdum enim nivis fragmina in cyathum immisisse, argumento sunt hæc Callistrati in Symmictis. τῶν οἰνοχόων τοῖς ἄλλοις μισγόντων εἰς τὸ ποτὸν χιόνῳ. *Qui erant a poculis nivem ceteris in potum miscentibus.* Quod videns Simonides poëta, unus ex convivis, sibi non ita ministrari ex tempore conquestus est:

ἔν τις ἔμοι γ' αὐτῆς χιόνῳ μέλει. ὃ γὰρ ἔσκε
θερμὴν βασάζειν ἀνδρὶ φίλῳ πρόποσιν.

*Et mihi sis cyatho glaciei infundito micā;
Non satis ex merito pocula calda dabis.*

Et id vinum cum nive mistum vocat Strattis in ψυχασαῖς. οἶνον χιόνῳ μεμιγμένον. Habes apud Athenæum lib. 111. Usurparunt etiam Arabes, & meminit Aben Sina 1. Fen. 11. cap. xv1.

Ho-

Hodie Persas glaciei frustula cum vino, aut aqua in phialam indere Petrus Vallengis testis oculatus est.

Interdum vinum per mediam nivem transire cogebant: ad eamque rem paratum habebant Colum nive oppletum. Itaque affusum vinum per nivem sibi viam faciens, ex Coli foraminulis unà cum nivis tabe exiliebat, cessurum in potum sitientibus. Vinum, utro vis modo paratum ægrotantibus quandoque præbebant. Nam ita accipiendus Cœlius Aurelianus, ubi de vinis cardiaco dandis: *Mediocriter* (inquit) *mixta cum aqua frigida, ac recenti, vel nivium liquore*. Rasis quoque, & Aben Sina aliis in morbis potandam nivium tabem præcipiunt.

Non diffiteor, nivem aliquando in lintea immissam: at his non Coli, sed Sacci nivarii nomen erat; etsi enim *colandi* verbum generale sit, Coli tamen nomen a Linteo distinguitur: & confundi nisi magno errore non possunt. Martialis in Apophoretis dist. c. i. cui lemma, *Saccus nivarius*.

*Attenuare nives norūt & lintea nostra:
Frigidior colo non salit unda tuo.*

Duo nos docet, & saccum nivarium fuisse ex linteis, non ex aluta, aut vimine, cū ait, *lintea nostra*: & ei non impertitum nomen *Coli*, a quo segregat in illis, *frigidior colo*. Erat enim *Colum* nivarium ex ære, aut argento in ditiorum tricliniis, ut idem Poëta monet disticho præcedenti, ubi *Colum nivarium* ita loquitur.

*Setinos, moneo, nostra nive frange trientes;
Pauperiore mero tingere lina potes.*

Hæc ferme nota; illud fortasse hætenus ignoratum, *Cola* crateri, aut cyatho fuisse imposita, ut vinum per nivem *ἀπὸ τοῦ* in poculum, quo bibebant, exiliret; ita enim amoto *Colo* frigidius sorbebatur. Quare parabantur *Cola* ejus magnitudinis, ut calici per interiorē orān possent committi. Apud *Pol- lucem* hæc leguntur lib. vi. cap. 11. ἐν μὲν τοῖς δημοπράταις ἢ ἡθμῶς τις ἐπὶ κρατῆρι πίπεται. *In publicis auctionibus etiam (olum super cratere venditum fuit.* *Colum* nempe nivarium, non

Co-

Colum prælorum, ut absurde explicat Henr. Stephanus. Colum prælorum est corbis. qui verò corbis super cratere? Huc etiam faciunt illa Hellenici in Ægyptiacis: αἰγυπλίαν ἐν τοῖς οἴοις καὶται φιάλη χαλκῇ, ἢ κύαθος χαλκῆ, ἢ ἡθάνιον χαλκῆ. *In Ægyptiorum æcis est phiala, cyathus, & colum* (seu mavis, *exiguum colum*) *ex ære omnia*. Fluctum in simpulo movet Casaubonus ad Athenæum lib. xi. cap. vi, cùm dubitat, an hic ἡθάνιον colum sit. Cur ita? nempe, quia inter pocula ab Hellenico computatur. Fac ita esse; quid tum? an non Colum nivarium in poculorum censu est? Pomponius in L. in argento. D. de auro, & argento legato. *In argento potorio utrum id dumtaxat sit, in quo bibi possit: an etiam id, quod ad præparationem bibendi comparatum est, veluti Colum nivarium, & urceoli, dubitari potest. Sed propius est, ut hac quoque insint.* Visum est Icto Colum nivarium in numero poculorum esse: cur idem Græco Historico videri non potuit? qui illud cyatho conjungit, cui imponi moris erat: ut & phialæ, ex qua vinum diffundebatur, ut per Colum nive plenum in cyathum spargeretur.

Et ecce metalla, ex quibus Cola nivaria fundebantur; nam alii ex argento habuerunt, ex ære alii. Hoc cognoscimus ex Hellenico, illud ex Pomponio. Hodie lautiores calicem duplicem ex uno argento ductum, sibi parant, mediamque interferunt nivem, tum affusum vinum sine ulla nivis tabebibunt.

An ad hunc usum comparatum credimus Colum nostrum, ut & ipsum inter Cola nivaria sit? Multa sunt, quæ ab hac sententia revocant. Primò nimia ejus magnitudo, quæ facile poculum quodcunque excedit; est enim septunce latum, altum triente: scilicet utraque mensura ab ora inferiori accepta. Quod poculum huic Colo excipiendo est? nisi forte Cyclopiς κισσύβιον sit. Deinde, quòd in manubrii sculptura nihil omnino cernere sit, quod ad vinum, & convivium trahere possis. Simili de causa nec pertinebit ad Cola culinaria, quæ memorat Chrysippus Tyaneus in Artocopico. is describens placentæ genus, quod *Catillum ornatum* Romani vocabant, ait: ἃ ἰψὴ εἰς ἔλαιον θερμότατον, εἰς ἡθμὸν βαλὼν τὰ κατὰ κεκομμένα. *Et coquito in oleo ferventissimo,*
fru-

frustulis in Colum coniectis. Ita nec pertinerebit ad Cola rustica, quæ non erant, nisi corbes, per quos vinum liquabatur, ut Grammatici explicant illa Virgilii Georg. I 1.

---- *Tu spisso vimine quælos,
Colaque pralorum fumosis deripe tectis.*

In quo etiam genere erat *Saccus vinarius*; quanquam hunc in cœnaculis quoque fuisse pro vino castrando indicat Martialis libro I 1, ubi de apparatu cœnæ pro Tongilio ægrotante, hæc habet.

*Cæcuba saccantur, quæque annus coxis
Opimi
Condantur parco fusca Falerna vitro.*

Recte omnino, Vir Clarissime, existimas, nostrum Colum in Medicorum suppellectili fuisse. Colabant enim Medici non modò per linteam, sed etiam per Colum: utrumque duplicem ob causam, vel ut succus liquidus legere-
tur, recremento in fundo subsidente abjecto: vel contrà, ut materia exucca posset reponi, humore inutili expresso. Quæ & per se clara, & in veterum Medicorum libris obvia, testemur.

non desiderant. Linteorum maxime erat usus, ubi succi liquidissimi expetebantur. Marcellus Empiricus cap. viii. de xerocollyriis: *Ut liquidius facias, deinde per linteolum delicatum colabis*. Fuit, cum nihil pensi habuerunt, per linteum ne, an per colum eliquaretur. Scribonius Comp. ult. *Colantur per linteum, vel ex junco factum de industria colum*.

Habes jam Colum Medicum ex junco. Et quidem, quod meminerim, nusquam apud Medicos Coli metallici expressa mentio occurrat, sed ex junco, & palma. Quin verò pro eo possit ex ære, ut nostrum est, vel ex argento, ut apud quosdam diligentissimos Sepiasarios vidimus, substitui, vix est ut dubitem. Scilicet, si Colum prælo subjiciendum non sit: ad quam rem vase textili opus est. Ita Columella ex olivis in fiscinam conjectis oleum elicit. Ægyptii semina ricini in sportulam inclusa torculari premebant, ut apud Dioscoridem, & Actuarium extat.

Erat apud Medicos Colum in usu ad plura, sed præsertim ad vina medicata, quæ Plinius *factitia* appellat, & ad unguenta. De vinis hinc sermonem instituens Dioscorides, sæpe

τῇ διυλίζον, & ἀπηθεῖν mentionem injicit : at de vasis genere, quo hæc percolatio fieret, nobis divinandum reliquisset, nisi aliorum scripta, quod ipse tacuit, declararent. Hi sunt Palladius, & Columella, qui hæc Medicorum vina patrem familias etiam sibi parata habere voluerunt. Palladius ergo in Februario cap. xxvii. de vino Myrtite hæc habet : *Palmea sporta colabis*. Et de eodem Columella lib. xii. *Et per colum junceum liquatum succum lagūculis bene picatis condunt*. Ejus etiam conditionis erant Cola, quibus trans mittebantur unguenta : & hæc ignorare nos Dioscorides noluit; nam in unguento Elatino, & Cyprino nominat *σπορίδα*, *sportulam*: in Ocimino, & Susino *κυρίδα*, & *κυρίδιον*, *qualum*, & *quasillum*. Κυρίδα Nicandri interpres in Alexipharinacis vas esse ex tenui junco, & ab unguentariis, qui eo unguenta exprimebant, *ὕλισθριον*, & *ὕλιστριον* appellari testatur.

At recepta deinde a Græcis Arabum medicina, Colorum usus in Drosatis, & Catharticis frequens esse cœpit. Δρόσιον Græci recentiores vocarunt, quod Arabes *scerap*. Ea Nicolaus Alexandrinus *σκιλλίζον*, seu per saccum trāsmit-

tere jubet in Drosato absinthite, ex iride, & alibi sæpe Sectione VII I. Nec tamen *sacci* nomen materiam explicat, cum *saccus* ex lino, pelle, & vimine fuerit: explicat solum formam, quæ metæ inversæ similis erat, ut alicubi *Columella* monet. Cathartica verò *Actuarius* non unis modò *sacculis*, sed aliquando etiam *fiscis* transfundit, ut in *Ruellii* versione legitur; Græcus enim liber nunc ad manus non est.

Meminit etiam *Herbarius Græcus* de *Colo laxiori*, quo utebantur, qui *Styracem vermicularem* conficiebant, lib. I. cap. LXV I I I. ἃ δι' ἡθμῆς ἐνερπίζου ἐν δαλίδιον εἰς ὕδωρ ψυχρὸν, ποίντες σκαλίκια. *Per Colum*, quod latioribus foraminibus sit, in frigidam aquam veluti vermiculos exprimunt. Nam ἡθμός hic *Colum* est, non *incerniculum*, ut minus recte viri doctissimi volunt. Mirum quid eos moverit: nam *Colum* cur eis displiceret, causæ non erat. Et *Colum* jam *Hermolaus* fuerat interpretatus. Et, ut plane dicam, quod sentio; auguror, huic potissimum usui nostrum *Colum* fuisse destinatum. Suadet id, quòd foramina grandiuscula sunt, ut *Dioscorides* exigit: suadet etiam, quòd ad hos vermiculos parandos inepta sunt *Cola* ex junco, aut pal-

palma: & omnino ex metallo expetuntur. Potissimum dico; nam ad unguenta, & vina medicata, & id genus alia aptari potuisse melius, quàm sportas, & qualos, manifestum est.

Vides interim artificis ingenium, dum eo instrumēto mammæ formam imitatus est, quæ per papillæ foramina lac ejaculatur. Et proxime ad consuetam Coli formā accessit, quæ infundibulo, vel sacco vinario similis erat. Docet id Cratinus in Nomis, ubi camum vocat ἡθμὸν, *Colum*, ob figuram scilicet utrique communem. Camus est vas, coni inversi instar habens, in imo pertusum, per quod in Attico foro iudices calculos sinebant in subiectum cadicum dilabi. Extat de eo elegans Eubuli griphus. Inde fit, & *Colum* simile coni esse, a quo nostrum non longe abit. Verba Cratini apud Interpretem Aristophanis in Equitibus ita leguntur, χορίον ἡθμὸν. Emendant ex Hesychio, χορίον ἡθμὸν, *Colum junceum*. Quod probare non possum; nam *Colum*, junceum cum fuerit ut plurimum, nihil Cratinus apposuisset, quod de camo nos admoneret. Lego χορίον ἡθμὸν, *Colum suffragiorum*; nam χορίαι erant conchæ marinæ, quibus olim iudices suffragia fe-

ferebant . Quod acute dictum esse quis neget? Prius illud friget . *Χοιρίας* Græci satis habent dixisse , *κόγχας τίας θαλάσσιας* . Nec præterea quidquam addunt . Sunt tamen conchulæ *μονόθυροι* , testa una testæ , eaque lævi , & in se ipsam revoluta , oblongæ , ac veluti gibbæ , quas ut Græci , ita & nostri a *porculis* appellant . Aliæ majores , glandem æquant , parte supina colore gilvo , prona albo : minores aliæ , ut nuclei pinei , sed breviores , candidæ , aut fuscæ . His Athenienses in ferendis sententiis usi . Candidæ Romanorum A , fuscæ C valebant .

Et hæc sunt , Vir Illustrissime , quæ hortatu tuo , quantum per multiplices occupationes curasque meas licuit , deproperavi ; quæque non aliter probaturus sum , quàm si tibi non displicere intelligam ; soleo enim meæ sententiæ diffidere , ubi tuæ plane non congruere , sentio . Et quamvis quæ disputavi , longe abeant a sententia P. Claudii Francisci Menestrier , nihil tamen his literis detractum velim viro omni laudis genere præstanti , quem honoris causa nomino , qui viam , & quidem primus , diligentia sua ad hujus Instrumenti explicationem aperuit . Sunt enim hæc ex verisimili ductæ
conje-

conjecturæ: & non ut verum, ita & verisimile unum est. Sæpe de eadem re plura probabilia excogitantur, quorum ita alterum probes, ut non propterea alterum despicias. Unum veluti pro corollario addam. Notat ipse erudite, olim Christianos vinū in Calicē colis infudisse, quæ essent tenuissimis foraminulis pervia. Adjiciamus, si placet, Hebræos, ne culicem, vel quam aliam bestiolam lege immundam, sorbendo, deglutirent incauti, vinum & ipsos percolasse. Ad quem ritum alludit Hebræorum proverbium apud Matthæum cap. XXI. οἱ δουλίζοντες τὸν κώμαπα, τὴν δὲ κάμηλον καταπίνοντες: *qui culicem excolant, camelum autem glutiunt*. Nam id adagium, fuisse monet doctissimus A Lapide. Hoc interest, quod Christiani eliquabant Colo, & quidem argenteo, ut ex Anastasio Bibliothecario discimus, cujus hîc verba recitem necesse est. In Sergio II. *Colatorium de argento deauratum unum, quo in sacro utuntur officio*. Et in Benedicto III. *Fecit Calices de argento purissimo duos, & Patenam unam, Colatorium unum, Cantharum unum, Thymiamaterium unum, pensantia simul libras*

quatuordecim. Non sic Hebræi, qui linteis utebantur; nam in Talmud de Sabbatho cap. x legitur: *Qui percolant vinum* (besudarin) *in sudariis*. Vale.

F I N I S.



Errata

Corrige.

Pag.	AUSTORNIUS.	G. AVSTRVNIVS.
8. 9.	ÆN.	AEN
8. 12.	quadri	quadrati.
19 8.	laquearibus	e laquearibus.
21. 13.	oblitus	oblitum.
23. 13.	Porticum	Porticuum.
26. 25.	Porticorum.	Porticuum.
31. 2.	faticando.	fatigando
36. 1.	laxitudo.	laxitas.
48. 1.2.	suboluerat.	suboluerat
53. 2.3.	vivo	vivus.
57. 10.	post.	pōst.
60. 13.	deductæ	diductæ.
63. 22.23.	seu tonis, seu	cum tonis, &.
63. 18.	odoravit	odoratus est.
62. 23.24.	eidem	eiusdem.
66. 11.	Φύστος	Φύστος
86. 17.	Philistionem	Philistionem.
107. 11.	finit.	desinit.
114. 3.	consensiant	consentiant.
122. 3.	responsum	responsum.
122. 4.	νηπίς	νηπίς.
126. 18.	εικόνα	εικόνα.
131. 9.	genetis	usus.
141. 4.		

¶ pro i' alicubi occurrit, characterum inopia.
In Epist. nuncupationis pag. 2. 18. videberis. videbaris.

AG 1475711

THE UNIVERSITY OF CHICAGO
LIBRARY

